



MALO O SAMOA



LIPOTI FAALETAUSAGA

Iulai 2021 - Iuni 2022



| | |
|-------------------------|---|
| Nofoaga: | Komisi o le Toefuataiga o Tulafono a Samoa, Fogafale tasi o le Fale o le Mālō, FMFM II, Matagialalua |
| Telefoni: | (685) 28493 / 28494 |
| Facsimile: | (685) 28495 |
| Email: | Commission@samoalawreform.gov.ws |
| Upega Tafailagi: | www.samoalawreform.gov.ws |
| Tuātusi: | Komisi o le Toefuataiga o Tulafono a Samoa Pusa Meli 974, Apia Samoa |



MĀLŌ O SAMOA

Afioga i le Fofoga Fetalai

FONO AOA O FAITULAFONO O SAMOA

E tusa ai ma le Mataupu 35 o le *Faavae o le Malo Tutoatasi o Samoa* 1960 ma le fuaiupu 9 (3) o le *Tulafono a le Komisi o le Toefuataiga o Tulafono a Samoa 2008*, ou te tuuina atu ai i luma o lau Afioga kopi o le Lipoti Faaletausaga lona sefulutolu (13) lenei a le Komisi o le Toefuataiga o Tulafono a Samoa, mai ia Iulai 2021 ia Iuni 2022 mo le tuuina atu i luma o le Fono Aoa o Faitulafono a Samoa. O lenei lipoti o loo faamatalaina ai galuega ua maea faatino a le Komisi i totonu o le piriota lenei, e tusa ai ma lana Tulafono.

Afioga Matamua Seumanu Vasati Sili Pulufana

MINISITA O LE KOMISI O LE TOEFUATAIGA O TULAFONO A SAMOA



MĀLŌ O SAMOA

Afioga Matamua Seumanu Vasati Sili Pulufana

MINISITA O LE KOMISI O LE TOEFUATAIGA O TULAFONO A SAMOA

E tusa ai ma le fuaiupu 9 (2) o le *Tulafono a le Komisi o le Toefuataiga o Tulafono a Samoa 2008* ma le Mataupu 35 of le *Faavae o le Malo Tutoatasi o Samoa 1960*, e ia te au le agaga fiafia e tuuina atu ai kopi o le Lipoti Faaletausaga lona sefulutolu (13) lenei a le Komisi o le Toefuataiga o Tulafono a Samoa mai ia Iulai 2021 ia Iuni 2022, mo le tuuina atu i luma o le Fono Aoao Faitulafono a Samoa. O lenei lipoti o loo faamatalaina ai galuega ua maea faatino e le Komisi i totonu o le piriota lenei e tusa ai ma lana Tulafono.

Sheliza Tapuai

SUI PULE FAATONU

KOMISI O LE TOEFUATAIGA O TULAFONO A SAMOA

FAASOLOGA O MATAUPU

| | |
|--|----|
| UPU TOMUA – MINISITA O LE KOMISI O LE TOEFUATAIGA O TULAFONO A SAMOA | 1 |
| SAUNOAGA A LE SUI PULE FAATONU | 2 |
| 1. FOLASAGA | 3 |
| 1.1 AOTELEGA | 3 |
| 1.2 VAEGA AUTU | 3 |
| 1.3 VAEGA LAGOLAGO | 3 |
| 2. MATĀFAIOI MA GALUEGA TAUAVE | 4 |
| 3. LAASAGA O LE TOETUATAIGA O TULAFONO | 5 |
| 4. ILOILOGA A LE KOMISI I TOTONU O LE TAUSAGA FAALETUPE 2021-2022 | 5 |
| 4.1 ILOILOGA FA’AAUUAU A LE KOMISI I LE TAUSAGA FAALETUPE 2021/2022 | 5 |
| 4.1.1 ILOILOGA O TULAFONO TAU AIGA I SAMOA | 6 |
| 4.1.2 ILOILOGA O TULAFONO O MATAUPU TAU TAAVALE AFI A SAMOA | 9 |
| 4.1.3 ILOILOGA O TULAFONO O AUUPEGA 1960 | 9 |
| 4.2 GALUEGA FAATINO FAAOPOPO MAI LE PALEMIA, LOIA SILI MA LE KAPENEA I LE TAUSAGA FAALETUPE 2021-2022 | 10 |
| 4.2.1 MAE’A AI O LE FAIGA PALOTA LAUTELE 2021 | 10 |
| 4.2.2 ILOILOINA O TULAFONO TAU FANUA (MNRE, SLC & STEC) | 10 |
| 4.2.3 SU’ESU’EGA I LE LTA 2020 MA LE CAA 2020 | 10 |
| 4.3 GALUEGA FAATINO FAAOPOPO MAI MATAGALUEGA MA FAALĀPOTOPOTOGA A LE MALO | 10 |
| 4.3.1 TALOSAGA E ILOILOINA TULAFONO E PUIPUIA AI FAALAPOTOPOTOGA A LE MALO | 10 |
| 4.3.2 FAATALANOAGA AMATA –TULAFONO MO LE PUIPUIGA LAUTELE | 11 |
| 4.3.3 FAIGA FAAVAE MA TAIALA O FAAMAONIGA O TULAGA AUPITO MANAOMIA A LE SQA | 11 |
| 4.3.4 TEUTEUGA O LE TULAFONO A LE SQA 2022 – FAATALANOAGA MA PĀ’AGA | 11 |
| 4.3.5 FAATALANOAGA I LE VA O ATUNUU I MATAUPU TAU VAETAMAINA O FANAU | 11 |
| 4.3.6 ILOILOGA O SOOTAGA A MALO ‘AUFATASI I SAMOA | 11 |
| 4.3.7 MANATU FAAALIA I FAIGA FAAVAE AOA | 12 |
| 4.3.8 TA’IALA O TULAFONO MA LE AMIOTONU – E TALI ATU AI I SAUAGA I TINĀ & TAMA’ITA’I | 12 |
| 4.3.9 KOMISI SU’ESU’E | 12 |
| 4.4 GALUEGA FAATINO FAAOPOPO NA FAAMA’ITE E LE PULE FAATONU | 13 |
| 4.4.1 FETUUNAI MUNIAO (POLOKETI FAAPITOA) | 13 |
| 4.4.2 MĀE’A AI O LE FAIGA PALOTA LAUTELE I LE 2021 | 13 |
| 4.4.3 PALOTA LAUTELE O LE 2021 MA ISI PALOTA LAUTELE E LIMA | 13 |
| 4.4.4 FAAMAUMAUGA MO LE TALIAINA O LOIA I LE SOSAIETE A LOIA SAMOA | 14 |
| 4.4.5 ILOILOGA O LE UPEGA O TULAFONO A SAMOA | 14 |
| 5. LIPOTI I LE FAATINO O GALUEGA | 15 |
| 5.1 FAAMATALAGA O GALUEGA FAATINO MO LE TAUSAGA FAALETUPE 21/22 | 15 |
| 5.2 TAUNUUGA UA FUAFUAINA E LE KOMISI | 15 |

| | |
|--|----|
| 5.3 AUIVI MO LE FUA FAATATAU O GALUEGA FAATINO 2021/2022 | 15 |
| 6. LU'ITAU | 25 |
| 7. PULEAINA O TAGATA FAIGALUEGA | 25 |
| 7.1 FEGĀSOLOA'I O LE AUFAIGALUEGA | 26 |
| 7.1.1 AUFAIGALUEGA UA FAAMAVAE | 26 |
| 7.1.2 KONEKARATE ua MAE'A..... | 26 |
| 7.1.3 ToFIGA FOU | 26 |
| 7.1.4 POLOKALAME O LE GALUE FAATA'ITA'I..... | 26 |
| 7.1.5 TUUFAATASIGA O LE 'AUFAIGALUEGA A LE KOMISI I LE TAIMI NEI | 27 |
| 8. AOAOGA MA LE TAPU'EINA O TOMAI | 27 |
| 8.1 VAEGA O TULAFONO. | 27 |
| 8.2 VAEGA O AUAUNAGA LAUTELE | 29 |
| 9. TALA FAATATAU O TUPE | 31 |
| 9.1 FESOASOANI TAU TUPE (FAAMEAALOF) | 35 |
| 9.1.1 UNDP SPOTLIGHT INITIATIVE | 35 |
| 10. FAATULAGAGA O LE AUFAIGALUEGA A LE KOMISI | 36 |

LISI O SIATA

| | |
|---|----|
| <i>Siata 1: Galuega Faatino na taulimaina e le Komisi</i> | 5 |
| <i>Siata 2: Tulaga ua iai le faagasologa o le Toefuataiga o Tulafono; Laasaga 4 - 6 o le iloiloga o Tulafono tau Aiga</i> | 7 |
| <i>Siata 3: Tulaga ausia o Fua Faatatau o Galuega Faatino a le SLRC mo le Tausaga Faaletupe 2021-2022</i> | 24 |
| <i>Siata 4: Aufaigaluega a le Komisi i le taimi nei</i> | 27 |
| <i>Siata 5: Aoaoga ma Fonotaga na auai le Vaega o Tulafono</i> | 29 |
| <i>Siata 6: Aoaoga ma Fonotaga na auai le Vaega o Auaunaga Lautele</i> | 31 |
| <i>Siata 7: Lipoti o Tupe Faaoga a le SLRC mo le piriota e mae'a i le 30 Iuni 2022</i> | 33 |

UPU TOMUA – MINISITA O LE KOMISI O LE TOEFUATAIGA O TULAFONO A SAMOA



O le Komisi o le Toefuataiga o Tulafono a Samoa o se ofisa tutoatasi faaletulafono mo le lauliliuina, toefuataiga ma le tusiaina o tulafono a Samoa, ina ia unaia ai tu ma aganuu a Samoa, faaleleia ai atinae tau le soifuaga lautele, aganuu, tamāo'āiga, ma le atina'eina o pisinisi a Samoa. O le faatinoina o matāfaioi ma galuega tauave a le Komisi, o loo taumafai lava foi ia mautinoa o tusia tulafono a Samoa i se tulaga faaonaponei e fetau ma ausia manaoga o le mālō ma le atunuu lautele, e ala i le tuuina atu o suesuega e faavae i faamaoniga e fuafua i ai faaiuga a le mālō e uiga i le atinae, toefuataiga ma le tuufaatasia

o tulafono a Samoa ma faiga talafeagai.

E tāua tele i le Komisi faatalatalanoaga faalauaitete ona o le faitotoa lea e saofagā ai tagata lautele i le fausiaina o tulafono a Samoa. O se avanoa leni ua tuuina atu ia i latou e fai ai so latou sao i le fausiaina o tulafono a le atunuu. E faamalosia le mamalu o le atunuu ina ia auai i faatalanoaga e faia e le Komisi mai lea taimi i lea taimi, e faaleo ai o latou manatu ma atugaluga i tulafono o loo toe iloiloaina, e fua i ai fautuaga a le Komisi mo ni suiga talafeagai.

O lona lua lea o a'u lipoti faaletausaga, ua faailogaina ai le lona lua o tausaga o lo'u tofi Minisita mo le Komisi o le Toefuataiga o Tulafono a Samoa. O se tausaga tāua tele leni ma o se tausaga ua ausia ai ni suiga iloga. E ui i lu'itau sa feagai ma le Komisi i leni piriota o loo iloiloaina, ae o se tausaga manuia lea i le faamāe'aina ai e le Komisi o se tasi o ana galuega autū mo le toefuataiga o tulafono, aemaise o le faatinoina o galuega ma su'esu'ega amata e tali atu ai i isi galuega faatino na taulimaina e le Komisi.

E momoli atu ai le faafetai tele i le Pulega ma le afaigaluega sa galulue ma le lē faalogologotiga e faaauau galuega a le Komisi, e ui i suiga ma luitau e tulai mai, i a latou taumafaiga ina ia mautinoa e ausia ma le manuia fuafuaga faataatitia a le Komisi i totonu o leni tausaga faaletupe.

Na o matou faamavae atu i nisi o le afaigaluega ma faafeiloaia nisi o sui fou. Ou te fia faaleo le agaga faafetai tele i tagata faigaluega taitasi uma nei, mo la latou tautua faamaoni i le Komisi.

Ou te fia faamauina foi la'u faafetai faapitoa ma le agaga faagaetia i lē sa avea ma Pule Faatonu, Afioga Tele'i'ai Dr. Lalotoa Mulitalo mo lona sao tele i le fausiaina o tulafono i Samoa, aemaise o lana tautua matavela i le atina'eina o le Komisi talu ona tulai mai se ia oo ina faamavae mai lona tofiga ta'ita'i.

Mālō le pale, viia le Alii mo lona soifua galue. Ia saga faamanuia le Atua i laasaga uma o lona soifua auauna.

O le avea ai ma Minisita o le Komisi o le Toefuataiga o Tulafono a Samoa, ou te matuā fiafia lava e tuuina atu le Lipoti Faaletausaga lona 13 mo le Tausaga Faaletupe Iulai 2021 – Iuni 2022.

Ma le faaaloalo tele.



Afioga Matamua Seumanu Vasati Sili Pulufana
MINISITA O LE KOMISI O LE TOEFUATAIGA O TULAFONO A SAMOA



O le tausaga faaletupe 2021-2022 o se vaitaimi pisi ma tele lu'itau mo le Komisi o le Toefuataiga o Tulafono a Samoa (Komisi). E ui i nei lu'itau, ae sa fa'aaauau pea le tele o taumafaiga a le Komisi i le faatinoina o ana galuega aemaise o poloketi sa fuafuaina.

O lenei lipoti o loo tuuina atu ai se aotelega ma se auililiga manino o a matou galuega faatino ma auaunaga tau tupe, o loo faamaninoina ai galuega faatino a le Komisi mo le tausaga faaletupe 2021 - 2022 ma o latou taunuuga.

E fia faailo le agaga faafetai o le Komisi i le lagolagosua a le Mālō o Samoa ma le Kapeneta, aemaise le Minisita o le Komisi o le Toefuataiga o Tulafono a Samoa, Afioga Matamua Seumanu Vasati Sili Pulufana ma le Minisita Lagolago Fesola'i Apulu Tusiupu Tuigamala.

O tulaga aoatetele nei na ausia e le auaunaga i lenei tausaga faaletupe:

- E tele ni galuega faaopoopo iloga na faatinoina e le Komisi i le tau faamāe'aina o le Iloiloga o Tulafono tau Aiga i Samoa, ma faamāe'aina ai laasaga mulimuli e tolu o le faagasologa o le toefuataiga o tulafono (laasaga 4 - 6). O lenei tulaga maualuga na ausia, o se taunuuga na āfua mai i le ta'ita'iga a le Pule Faatonu, aemaise o le galulue punoua'i o le afaigaluega a le Komisi, e ui ina utiuti le au galulue.
- Sa faatinoina ni su'esu'ega amata i lenei tausaga faaletupe mo galuega faaopoopo e iva (9) na tuuina mai i matagaluega ma faalapopotoga, ma galuega faaopoopo e lima (5) na faama'ite e le Pule Faatonu o le Komisi.
- O le galulue soosoo tauau ai o le afaigaluega a le Komisi, na āfua ai ona faamāe'aina ma faamaonia lana Fuafuaga Autasi fou 2022-2025, a o le'i faai'uina le tausaga faaletupe.
- O le galulue faatasi o le afaigaluega a le Komisi, na mafai ai ona ausia le 70% ua mē'a, o a latou fuafaatatau o galuega faatino na fuafuaina mo le tausaga faaletupe.

E fia faaleoina le agaga faafetai o le Komisi i le sao tāua ma le fesoasoani mai a ana Paaga Atia'e i le faatinoina o ana galuega. Faafetai atu foi i Matagaluega a le Mālō, Ofisa ma Faalapopotoga faapea le mamalu o le atunuu lautele mo le lagolago faifaipea ma le fa'aaauuina o faiga faapaaga ma le Komisi, e faaleleia atili ai le faagasologa o le toefuataiga o tulafono mo le lelei ma le talafeagai o tulafono mo le atunuu.

E fia faamauina foi lo matou agaga faafetai ma le faamālō, i le galulue soosoo tauau ma le fesoasoani mai o paaga a le Lālā o Tulafono ma le Amiotonu, ina ia mautinoa le faaleleia atili o avanoa i le amiotonu, ma ia o gatasi ma pulega mamalu a alii ma faipule, aemaise o faamasinoga faaletulafono.

O le tuuina atu ai o lenei lipoti, ou te fia faaleoina le faafetai tele i le afaigaluega a le Komisi mo lo latou naunauta'i i le galuega faaauau, aemaise o le ofoina atu o le auaunaga i se tulaga maualuga i taimi uma, e ui i le tele o luitau e fetaia'i i le ala.

O le faafetai faapitoa mulimuli, e fia faaleoina lea i le taitaiga lelei, o le fesoasoani aemaise o le sao tāua o lē sa avea ma Pule Faatonu, Telei'ai Dr. Lalotoa Mulitalo. E faafetaia e le afaigaluega a le Komisi a'oa'oga uma, o galuega lagolago ma le faamalosia'au sa ofoina mai i le taimi o avea ai ma ta'ita'i o le Komisi. O nei fesoasoani uma ua atili fa'aaupegaina ai le Komisi i le iloiloina ma le toe fuata'iga o tulafono e sili ona talafeagai mo tagata Samoa. Faafetai tele lava!

Tatou faalagolago pea i le fesoasoani sili mai le Alii e fai ma ta'iala i le faigamalaga a Samoa.

Sheliza Tapuai

SUI PULE FAATONU, KOMISI O LE TOEFUATAIGA O TULAFONO A SAMOA

1. FOLASAGA

1.1 AOTELEGA

O le Komisi o le Toefuataiga o Tulafono a Samoa (Komisi) o loo faatautaia i lalo o le taitaiga a le Pule Faatonu, o le faauluuluga o le pulega e vaavaaia ma faatonutonu galuega a le Komisi¹. O le Auivi o le Faatulagaga o le Aufaigaluega a le Komisi o loo faatulaga mai ai e sefulufa (14) tagata faigaluega tumau ma le to'atolu (3) o le aufaigaluega konekarate; ona maua ai lea o le to'asefulu fitu (17) o le aofaiga atoa o le aufaigaluega. E oo mai i le faaiuga o lenei tausaga faaletupe, e fa (4) avanoa faigaluega e lei faatumuina i totonu o le Komisi. E na'o le tasi (1) le Vaega Autu a le Komisi i lalo o le tala faatatau o tupe, e ta'ua o le 'Vaega o Su'esu'ega, Auiliiliga ma Fautuaga tau le Tulafono'.

O totonu o le tala faatatau o tupe o loo tuuina atu nei, o loo taumafai pea le Komisi e faatumauina uma nei tagata faigaluega e to'asefulu fitu (17), o loo ta'ita'ia e le Pule Faatonu, ma e sefulu (10) loia ma le aufaigaluega lagolago e to'afitu (7). O le aufaigaluega Loia e to'avalu (8) o loo ta'ita'ia e le Pule Faatonu Lagolago i le faatinoina o matāfaioi tau le iloiloga ma le toefuata'iga o tulafono. E faalagolago le Komisi i Tuutuuga o Galuega Faatino e tuuina mai i itu tino e tolu (3) ua faatulafonoina. O le mea lea e fuafua ai le tulaga e mafai ai e le Komisi ona ausia ana sini autu o faatinoga, ona e aafia lava mai lea tausaga i lea tausaga i le aofa'i o galuega faatino faaopoopo e tuuina mai i le Komisi, o taimi faatulagaina mo nei galuega faaopoopo, aofa'i o loia ua iai tomai faapitoa mo iloiloga, ma alagā'oa e fa'aavanoaina e faatino ai nei iloiloga. E mafai foi e le Komisi ona faama'ite galuega toe fuata'i pe a talafeagai, e tusa ma se taunuuga o se iloiloga o loo faatinoina poo soo se tulaga e ono tula'i mai.

1.2 VAEGA AUTU

O fuafaatatau o galuega faatino ma tapulaa faatulagaina mo le Komisi o loo faatulaga mai i lalo o le Vaega Autu e tasi (1) o le Komisi (Su'esu'ega, Auiliiliga ma Fautuaga tau le Tulafono) mo le faatinoina. O loo iai ni faatinoga eseese ua faailoa ma faatulaga e fesoasoani ai i le Komisi i ana taumafaiga e tuuina atu auunaga lelei ma atoatoa, e mafai ai ona saofagā i le ausiaina o sini autu faatulagaina a le Komisi. O nei galuega e faatupeina i vaegatupe faatatauina.

O le Vaega o Tulafono e aafia ai loia e to'avalu (8) ma o loo taita'ia e le Pule Faatonu Lagolago. E oo mai i le taimi o lenei lipoti, e fa (4) avanoa loia o loo avanoa ma o loo faasalalauina i totonu o le Pepa o Faasalalauga a le Komisi o Galuega a le Mālō mo nisi e faatumuina.

1.3 VAEGA LAGOLAGO

O le Vaega o Auaunaga Lautele e mana'omia le ofoina atu o le lagolago atoatoa i le Vaega o Tulafono ina ia mautinoa le fa'aauauina, talafeagai ma sologa lelei le faatinoina o su'esu'ega ma le toefuataiga o tulafono a Samoa. O le Vaega o Auaunaga Lautele e nafa ma vaega autu e lima o le Ofisa:

- i. Pulega ma le Vaaiga lelei o Tupe;
- ii. Pulega ma le Vaaiga lelei o le Aufaigaluega;
- iii. Faamaopopoina ma le faagaoioiina o Poloketi;
- iv. Faamatalaga, Fesoataiga ma Vaega tau Tekonolosi; ma
- v. Auaunaga Lautele i le va fealoai ma le atunuu faapea ma le faatulagaina o femalagaiga.

E toaono (6) le aufaigaluega tumau a le Vaega o Auaunaga Lautele i lalo o le taitaiga a le Pule o Auaunaga Lautele.

¹ Tulafono o le Komisi o le Toefuataiga o Tulafono 2008, vaega 10 (Pule Faatonu) – (1) O le Pule Faatonu e tatau ona avea ma faauluuluga tau pulega o le Komisi ma e tatau ona ia vaavaaia ma faatonutonu le galuega a le Komisi.

2. MATĀFAIOI MA GALUEGA TAUAVE

Sa faavaeina le Komisi o le Toefuataiga o Tulafono a Samoa i le 2008 i lalo o le Tulafono o le Komisi o le Toefuataiga o Tulafono 2008. E faatinoina e le Komisi su'esu'ega ma tuuina atu fautuaga 'anoa i ni suiga talafeagai i tulafono o loo iloiloina e tusa ai ma lana faasinoala faaletulafono:

- faatinoina sailiiliga/sesuega ma faavasega vaega e lauliliu i ana iloiloga ina ia ōgatasi ma pepa o galuega faatino ua tuuina mai e le Palemia, Kapeneta, Loia Sili; poo se galuega sa faama'ite e le Komisi ma ua faamaonia e le Loia Sili poo le Palemia;
- ia logoina ma faatalatalanoa tagata lautele i galuega fai a le Komisi;
- ia tuuina atu lipoti ma fautuaga i le Palemia, Kapeneta, Loia Sili ma ia faasalalau faalauaitete ia lipoti ina ua faamaonia e le Kapeneta;
- afai o se fautuaga sa tuuina i se lipoti, ma ua iai se agavaa i le Komisi, e mafai e le Komisi ona tusia ni teuteuga o se tulafono ma ia mua'i tuuina atu mo se faamaoniga a le Loia Sili;
- ia tūleia faalauiloa o tulafono a Samoa; ma
- ia faufautua i Matagaluega a le Malo ma Faalapotopotoga i faiga poo iloiloga o tulafono o loo faatautaia e na Matagaluega ma Faalapotopotoga.²

O le Komisi e tali i le Palemene o Samoa e tauala atu i le Minisita mo le Komisi o le Toefuataiga o Tulafono a Samoa, e tusa ai ma le Mataupu 35 o le Tulafono Faavae o le Mālō Tutoatasi o Samoa.

O le faai'uga o polōketi mo le toefuata'iga o tulafono taitasi, e tuuina atu ai e le Komisi se lipoti faai'u i le Palemia, Kapeneta ma le Loia Sili, faatasi ai ma fautuaga 'anoa ma lelei e faavae i faamaoniga mai su'esu'ega, mo le toefuataiga o tulafono. O lenei Lipoti Faaiu e tuuina atu i le laulauafono a le Palemene pe a faamaonia e le Kapeneta. O lona aotelega, o le matāfaioi a le Komisi o le faafoeina o iloiloga, toefuataiga ma le fausiaina o tulafono a Samoa ina ia:


- unaia tu ma aganuu a Samoa;
- faamallosia tulaga tau le soifuaga lautele, aganuu, tamāoaiga ma atina'e o pisinisi a Samoa; ma
- mautinoa le teumaluina o tulafono a Samoa i tulaga faaonaponei e faamalieina ai manaoga o le Mālō ma le atunuu lautele.³

² Tulafono o le Komisi o le Toefuataiga o Tulafono 2008, vaega 6 (Galuega tauave a le Komisi).

³ Tulafono o le Komisi o le Toefuataiga o Tulafono 2008, vaega 4 (Faamoemoega o le Tulafono).

3. LAASAGA O LE TOETUATAIGA O TULAFONO

E ono (6) laasaga e limataitaiina ai le iloiloga ma le toefuataiga o tulafono e tuuina mai i le Komisi:



4. ILOILOGA A LE KOMISI I TOTONU O LE TAUSAGA FAALETUPE 2021-2022

E luasefulu (20) galuega faatino na galulue ma iloiloaina e le Komisi i totonu o le Tausaga Faaletupe 2021 - 2022. E tolu (3) Tuutuuga o Galuega Faatino mo iloiloga atoa, tolu (3) Galuega Faatino Faaopoopo na maua mai le Palemia, Loia Sili ma le Kapeneta, iva (9) Galuega Faatino Faaopoopo na tuuina mai matāgaluega ma faalapopotoga a le mālō, ma le lima (5) Galuega Faatino Faaopoopo na faama'ite e le Pule Faatonu e pei ona tuuina atu i le Siata 1 o loo i lalo. E aofia ai ma galuega faatino na tauaaoina i tausaga faaletupe ua mavae sa fa'aauau mai i lenei Tausaga Faaletupe. O nei galuega faatino e 20 o loo faamanino atili atu i isi vaega o loo mulimuli mai.

| ILOILOGA FA'AAUUAU MAI LE TAUSAGA FAALETUPE 20/21 | ILOILOGA NA FUAFUAINA MO LE TAUSAGA FAALETUPE 21/22 | GALUEGA FAAOPOOPO NA TUUINA MAI LE PALEMIA, LOIA SILI MA LE KAPENETA I LE TAUSAGA FAALETUPE 21/22 | GALUEGA FAAOPOOPO NA TUUINA MAI MATAGALUEGA MA FAALAPOTOPOTOGA A LE MĀLŌ, 21/22 | GALUEGA FAAOPOOPO NA FAAMA'ITE E LE PULE FAATONU, 21/22 |
|---|---|---|---|---|
| 3 | 3 | 3 | 9 | 5 |

Siata 1: Galuega Faatino na taulimaina e le Komisi

4.1 ILOILOGA FA'AAUUAU A LE KOMISI I LE TAUSAGA FAALETUPE 2021/2022.

E tolu (3) Iloiloga Fa'aauau na faatinoina e le Komisi i totonu o lenei tausaga faaletupe e pei ona faamatalaina i lalo:

4.1.1 ILOILOGA O TULAFONO TAU AIGA I SAMOA

O le iloiloga o Tulafono Tau Aiga a Samoa, o se iloiloga na fama'ite e tali atu ai i se fautuaga mai le Itutino o le Faamasinoga (i le taimi o faatalanoaga a le Komisi mo lana iloiloga o le Upega o Tulafono a Samoa i le 2017) e faapea o tulafono tau aiga a Samoa ua matuā manaomia le toe iloiloina ma faia i ai ni teuteuga e tuulata mai. Na faatinoina e le Komisi nisi o uluai feutanaiga ma le Matāgaluega o Faamasinoga ma le Faafoega o Faamasinoga (MJCA), o le ofisa tonu lea e nafa ma tulafono o mataupu tau aiga, ma na malilie ai o le Komisi e ta'ita'ia lenei iloiloga. O le mǎe'a ai o nei talanoaga, na fausia ai loa se Tuutuuga o Galuega Faatino e le Komisi ma faamaonia e le Ofisa o le Loia Sili (OAG) i le 2018. O tulafono tau aiga e ono (6) na iloiloina o loo ta'ua i lalo:

- i. Tulafono o Tamaiti 1961;
- ii. Tulafono o Faaipoipoga 1961;
- iii. Tulafono o Mafuaaga o le Tatalaga o Faaipoipoga 1961;
- iv. Tulafono o le Tausiga ma le Faamaoniga o Tamā 1967;
- v. Tulafono o le Saogalemu o Aiga 2013; ma le
- vi. Tulafono o le Faamasinoga mo Mataupu Faatatau i Aiga 2014.

O le iloiloga sa faatinoina e le Komisi i le galulue soosootauau ai ma le Matāgaluega o Faamasinoga ma le Faafoega o Faamasinoga, o le Matagaluega lea e patino tonu i ai le faafoeina o nei tulafono. Na valaaulia foi e le Komisi nisi o paaga autu e 'auai faatasi ma le Komisi i le faalauiloaina o tulafono o mataupu tau aiga a Samoa i tagata lautele, e ala i semina ma polokalame faalauiloa faalauaitele, aemaise o le sailia ma le aoina mai o finagalo o le atunuu e ala i faatalanoaga faalauaitele ma le tatalaina o avanoa mo folasaga tusitusia. O nei paaga e aofia ai le Matagaluega o Tina ma Tamaitai, Atinae o Afioaga ma Agafesootai (MWCSO), le Ofisa o le Loia Sili (OAG), le Ofisa o Fuainumera Faamauina a Samoa (SBS), ma le Matagaluega o Leoleo, Falepuipui ma Auaunaga Toefuata'i (MoPPCS).

Na mulimulita'ia e le Komisi ana laasaga e ono (6) mo le toefuataiga o tulafono e tusa ai ma le fuaiupu 8 (Tulafono a le Komisi) o le Tulafono o le Komisi o le Toefuataiga o Tulafono 2008 mo lenei Iloiloga. Mo lenei tausaga faaletupe 2021/2022, sa taula'i tonu le galulue a le Komisi i le fa'aauuina ma le faamǎe'aina o le Laasaga 4, Laasaga 5 ma le Laasaga 6 e pei ona faamatalaina i lalo:

| Laasaga - Toefuataiga o Tulafono | Auiliiliga o le tulaga ua iai le faagasologa o le galuega |
|--|---|
| Laasaga 4 - Faatalatalanoaga Faalauaitele | <ul style="list-style-type: none">• O faatalanoaga faalaua'itele mo Upolu e uiga i Tulafono e 6 mo Aiga e pei ona tolopoina mai le Tausaga Faaletupe 2020/2021 na faatautaia mai le aso 25 Oketopa - 10 Novema 2021; e sefulutolu (13) le aofa'iga o faatalatalanoaga faalauaitele na faatinoina.• O le tuufaatasia ma le au'iliiliga o faatalanoaga faalaua'itele uma ma faamatalaga tusitusia na tauaaoina e le Komisi, na faamǎe'aina uma i lenei tausaga faaletupe. |
| Laasaga 5 - Sailiiliga | <ul style="list-style-type: none">• Sa faatinoina foi su'esu'ega faale-a'oa'oga ma su'esu'ega o tusi e faamaonia ai le |

| | |
|---------------------------------|--|
| ma Auiliiliga Fa'aauau | iloiloga a le Komisi o ana su'esu'ega ma taunuuga na mauaina e fuafua ai le faatulagaina o lana Lipoti Faaiu ma fautuaga. |
| Laasaga 6 - Lipoti Faaiu | <ul style="list-style-type: none"> • O le Lipoti Faaiu mo le Iloiloga o Tulafono tau Aiga na faamae'aina ia Iuni o lenei tausaga faaletupe ma tuuina atu i le afioga i le Minisita, Matamua Seumanu Vasati Sili Pulfanana i le aso 16 Iuni 2022, ao lei tuuina atu mo le faamaoniga a le Kapeneta mamalu e pei ona masani ai. • O le aso 1 Iulai 2022, na tuuina atu ai le Lipoti Faaiu i le Kapeneta mamalu mo la latou faamaoniga. • O loo faamauina o le Kapeneta e ala i lana Faatonuga FK (22)30 na tuuina mai ai faatonuga mo le Komisi e faatino nisi faatalanoaga ma isi itutino a le Mālō a'o le'i toe tuuina atu le lipoti a le Komisi i le Kapeneta. |

Siata 2: Tulaga ua iai le faagasologa o le Toefuataiga o Tulafono; Laasaga 4 - 6 o le iloiloga o Tulafono tau Aiga

O le ata o loo i lalo o se taumafaiga e tuuina atu, i se faatepa aoatetele, le faagasologa o le aga'i i luma o le Iloiloga o Tulafono tau Aiga a Samoa, talu mai lona amataga e oo mai i le taimi nei

4.1.2 ILOILOGA O TULAFONO O MATAUPU TAU TAAVALE AFI A SAMOA

O le tausaga e 2019, sa matauina ai le si'itia o le aofa'i o faalavelave tau taavale i totonu o Samoa. Mai su'esu'ega amata faaletulafono a le Komisi na tuuina atu i le Afioga i le Palemia o le Nofoaiga talu ai, na fa'aalia ai le tataua toe iloilo ma faafou tulafono tau taavale afi a Samoa.

O luga o le talosaga a le Komisi, na faamaonia ai e le Afioga i le Palemia le Tuutuuga o Galuega Faatino i le aso 29 Iulai 2019 mo le Komisi e faatinoina ai se iloiloga atoa o Tulafono Tau Taavale Afi a Samoa.

O le iloiloga atoa o Tulafono Tau Taavale Afi o se iloiloga o tulafono nei:

- i. Tulafono o Taavale e Feoai i Ala Tetele 1960 (aofia ai ma tulafono faatonutonu, poloaiga ma tulafono laiti);
- ii. Tulafono o Taavale Feoai i Ala Tetele (tupe totogi o faasalaga tau tupe) 2009 (aofia ai ma tulafono faatonutonu, poloaiga ma tulafono laiti); ma le
- iii. Tulafono o Suiga Tau Felauaiga i Luga o Auala 2008 (aofia ai ma tulafono faatonutonu, poloaiga, ma tulafono laiti).

Na aulia e lenei galuega a le Komisi le faai'uga o le tusiga o le Pepa o Faatalanoaga mo le faamaoniga a le Kapeneta ao lei faatinoina faatalanoaga faalauaitele ma le atunuu aemaise o paaga i lenei tausaga faaletupe. Peita'i, e lei mafai ona faataunuuna lea tulaga ona o le suiga o galuega e ave i ai le faamuamua, utiuti le afaigaluega loia, faapea foi le faamamaluina o tapu ma vavao o Faalavelave Tutupu Faafuase'i e tali atu ai i le Misela ma le faamai o le KOVITI-19.

O le faaauauina o lenei galuega ua tuuina atu i le isi tausaga faaletupe.

4.1.3 ILOILOGA O TULAFONO O AUUPEGA 1960

O lenei iloiloga na talosagaina e le Matāgaluega o Leoleo ma Falepuipui i le 2019, na ta'ua ai o lenei tulafono, o se tulafono sa fausiaina ao lei tuto'atasi le atunuu, e mana'omia ai le toe faafouina ina ia mafai ai e le Matāgaluega o Leoleo ona faatino ona tiute ma ana galuega tauave e tusa ai ma faiga masani o loo iai nei, ina ia fetui ma le tulaga o Samoa. Na fausia se Tuutuuga o Galuega Faatino ina ua mae'a faatalanoaga amata i le va o le Komisi ma le Matāgaluega o Leoleo, ma faamaonia mulimuli ai e le Ofisa o le Loia Sili.

Sa amatalia e le Komisi ana su'esu'ega amata i lenei Polōketi i le Tausaga Faaletupe 2020-2021 peitai na taofia mulimuli ane ona o le tele o galuega faatino faaopoopo na ave i ai le faamuamua a le Komisi, ona o le mana'omia vave o se fesoasoani i nei galuega faatino.

Na fuafua le Komisi e toe faagasolo ana su'esu'ega amata i le Tausaga Faaletupe 2021-2022, ma fa'aauau atu ai i le tuufaatasia o ana sailiga e fausia ai se Pepa o Faatalanoaga e tuuina atu i le Kapeneta e pei ona masani ai. Peita'i, na toe tolopoina nei fuafuaga ona o le suiga o galuega e ave i ai le faamuamua, faatasi ai ma le faaitiitia o le aofa'i o le afaigaluega loia e faatinoina le galuega, aemaise le fa'aauauina o vavao o le KOVIT-19. O loo faamauina i'inei le talosaga a le Matāgaluega o Leoleo ma Falepuipui ina ia ave le faamuamua i lenei iloiloga, talu ai o se tulaga ua tata'i i ai finagalo o le atunuu mo le saogalemu ma le malupuipua o ona tagata, pe a fua i le faatupula'ia o le aofa'i o faalavelave faatatau i aupega ma solitulafono ua faaoo atu i le matagaluega.

4.2 GALUEGA FAATINO FAAOPOOPO MAI LE PALEMIA, LOIA SILI MA LE KAPENEA I LE TAUSAGA FAALETUPE 2021-2022

E tolu (3) Galeugaa Faatino Faaopoopo na galulue ai le Komisi ma faamāe'aina i totonu o lenei tausaga faaletupe, sa tuuina mai le Afioga i le Palemia ma le Ofisa o le Loia Sili.

4.2.1 MAE'A AI O LE FAIGA PALOTA LAUTELE 2021

- O le mae'a ai o le Faiga Palota Lautele 2021, na talosagaina ai e le Ofisa o le Loia Sili le fesoasoani a le Komisi, i le faatinoina lea o ni suesuega ma iloiloga i nisi o matāupu, seia oo lava ina mae'a ma ua lē toe moomia foi. O nei galuega fesoasoani sa faamāe'aina uma i totonu o lenei tausaga faaletupe.

4.2.2 ILOILOINA O TULAFONO TAU FANUA (MNRE, SLC & STEC)

- O lenei galuega sa tuuina mai e le Ofisa o le Loia Sili e faatino ai su'esu'ega ma iloiloga talafeagai mo tulafono tau fanua. Sa amana'ia lenei galuega tele ma fuafuaina e tuu i totonu o le Fuafuaga 'Autasi a le Komisi mai le 2021-2025, ma faamauina ai o se galuega faatino faaopoopo, e faatinoina ai se suesuega amata seia oo i se tulaga e ono tusia ai se Tuutuuga o Galuega Faatino, pe a talafeagai ai.
- E oo mai i le taimi nei, e lei i ai se Tuutuuga o Galuega Faatino ua tuufaatasia pe taulimaina foi mo lenei mataupu.

4.2.3 SU'ESU'EGA I LE LTA 2020 MA LE CAA 2020

- Sa faatinoina ni suesuega i le Tulafono o Fanua ma Suafa 2020 ma le Tulafono o Pulega o Faamasinoga 2020 i lenei tausaga faaletupe, ma tuuina atu ai se fautuuga i le Ofisa o le Loia Sili e faatatau i le faauigaina o ni vaega o Tulafono, e patino tonu i le filifilia o Faamasino o le Faamasinoga o Fanua ma Suafa, aemaise o aiaiga o soloā'iga ma le tusiaina o tulafono.

4.3 GALUEGA FAATINO FAAOPOOPO MAI MATAGALUEGA MA FAALĀPOTOPOTOGA A LE MALO

E iva (9) galuega faatino faaopoopo na tuuina mai i le Komisi mai Matagaluega ma Faalapotopotoga a le Malo i lenei tausaga faaletupe. O le 'oto'otoga o nei galuega faaopoopo taitasi o loo tuuina atu i lalo:

4.3.1 TALOSAGA E ILOILOINA TULAFONO E PUIPUIA AI FAALAPOTOPOTOGA A LE MALO

- Na talosagaina mai e le Matagaluega o Faalapotopotoga a le Malo, le Komisi i lana tusi i le Aso 14 Aperila 2021, mo se fesoasoani i le iloiloiloina o tulafono e puipuia ai faalapotopotoga a le malo. O suesuega amata a le Komisi na māua ai nisi o tulafono e 33 o loo faatulafonoina ai faalapotopotoga a le malo, e ao ona aofia i lenei iloiloga ina ia tali atu ai i le talosaga a le Matagaluega.
- Sa faamauina lenei galuega i le fuafuaga faale-tausaga a le Komisi 21/22.
- Sa faatinoina ni faatalatalanoaga amata a le Komisi ma le Matagaluega o Faalapotopotoga a le Malo, i ni faamoemoega autu o loo faananau le matagaluega e fia ausia mai lenei iloiloga. Ua faamauina lenei galuega o se galuega faatino faaopoopo, seia mae'a faatalanoaga amata ma le matagaluega, aemaise o le talia seia tuuina mai se tuutuuga o galuega faatino pe a talafeagai ai.
- E lei taulimaina se Tuutuuga o Galuega Faatino, o lona uiga e le'i avea o se Polōketi o iloiloga 'atoa.

4.3.2 FAATALANOAGA AMATA –TULAFONO MO LE PUIPUIGA LAUTELE

- O le Aso 24 Iuni 2021 na taulimaina ai e le Komisi le talosaga mai le Faufautua a Malo Afaatasi (UNDP) mo mataupu tau le puipuiga lautele, ina ia tuuina atu se faamalamalamaga ma se fautuaga i ni tulafono talafeagai mo puipuiga lautele i Samoa. Na amatalia faatalatalanoaga amata i le Aso 9 Aokuso 2021, ma na faamanino ai e le Pule Faatonu, le faagasologa o le Toefuata'iga o Tulafono aemaise o talosaga ma mataupu e tuuina mai mo se iloiloga a le Komisi. Na faailoa manino ai, e lē o i ai ni aseta tetele talafeagai a Samoa ua faataoto e taula'i i ai puipuiga lautele, ina ia mautinoa le lelei atoatoa o lona faatinoina.
- Sa faamauiina foi lenei talosaga o se galuega faatino faaopoopo, ma le talitonuga e ono tapenaina se tuutuuga o galuega faatino ma tuuina atu ai mo le faamaoniga a le Palemia, Kapeneta poo le Ofisa o le Loia Sili.
- E le'i taulimaina pe na tapenaina foi se Tuutuuga o Galuega Faatino, o le mea lea e le'i avea lenei galuega o se Polōketi mo se iloiloga 'atoa.

4.3.3 FAIGA FAAVAE MA TAIALA O FAAMAONIGA O TULAGA AUPITO MANAOMIA A LE SQA

- Na valaaulia le Komisi e ala i se tusi o le aso 23 Fepuari 2022 e 'auai e fai se sao i le faatalatalanoaga mo pā'aga a le Pulega o Faailoga ma Tusi Pasi Tauloa a Samoa, e faatatau i Faiga Faavae ma Taiala o Faamaoniga o Tulaga Aupito Manaomia. Sa faatinoina e le Komisi ni suesuega ma iloiloga amata ma tuuina atu ai manatu faaalua ma fautuaga i le Aso 3 Mati 2022 mo le faatōfala'iga a le Pulega o Faailoga ma Tusi Pasi Tauloa a Samoa.

4.3.4 TEUTEUGA O LE TULAFONO A LE SQA 2022 – FAATALANOAGA MA PĀ'AGA

- Na valaaulia foi le Komisi i le Aso 1 Mati 2022, ina ia 'auai e faaali se manatu i le Faatalatalanoaga ma Pā'aga i teuteuga ua talosagaina mo le Tulafono o le Pulega o Faailoga ma Tusi Pasi Tauloa a Samoa 2010 (Tulafono Taufaaofi o Teuteuga), ina ia mafai ona toe faaleleia le faatinoga o matāfaioi faale-tulafono ma galuega tauave a le Pulega. Na faatinoina suesuega amata ma tuuina atu le fesoasoani a le Komisi i le taimi o Faatalatalanoaga i le Aso 15 Mati 2022, mo se finagalo o le Faufautua Faapitoa Faa-le-tulafono ma le Pulega o Faailoga ma Tusi Pasi Tauloa i le tapenaina o le Tulafono Taufaaofi o Teuteuga.

4.3.5 FAATALANOAGA I LE VA O ATUNUU I MATAUPU TAU VAETAMAINA O FANAU

- Sa faia se sao o le Komisi i le amataga o feutana'iga i le va o atunuu e lua o Samoa ma Niu Sila, e tauala atu i le Matagaluega o le Vā i Fafu & Fefaataua'iga ma le Matagaluega o Faamasinoga & Faafoega o Faamasinoga. Na faamanino ai o le matāfaioi a le Komisi, e patino lava i le iloiloina o Tulafono a Samoa lava ia.
- O le tulaga i le tuuina atu o se fesoasoani i le iloiloga a Niu Sila, e manatu ai le Komisi e sili ona aoga ma talafeagai pe a saili se finagalo mai ofisa a le malo o loo latou faatinoina le vaetamaina o fanau, e pei o le Matagaluega o Tinā ma Tamaitai, Atina'e o Afioaga, ma Agafesootai, Ofisa o le Lōia Sili ma le Matagaluega o Leoleo Falepuipui ma le Toefuata'iga.
- O faatalanoaga amata na faatinoina i luga o fesoata'iga faaonaponei i le aso 5 Iulai 2021, faatasi ai ma le faatalatalanoaga aloa'ia sa faatinoina i le aso 16 Aokuso 2021 e faatatau i le iloiloga o tulafono o mataupu tau vaetamaina o fanau a Niu Sila, ma o le avanoa lea sa tuuina atu ai se fautuaga a le Komisi, ma mae'a ai loa lea matāupu.

4.3.6 ILOILOGA O SOOTAGA A MALO 'AUFaatasi I SAMOA

- Sa valaaulia mai le Komisi i le Aso 21 Setema 2021 ina ia tuuina atu ni manatu ma 'auai i le faatalatalanoaga o le Iloiloga Masani a Atunuu i matāti'a, lu'itau ma ni vaega e fia faaleleia atili i le galuega lagolago a Malo 'Afaatasi.

- Na tuuina atu manatu o le Komisi i le pepa sa faatalanoaina, e tauala atu i se tusi i le Aso 1 Oketopa 2021, ma mae'a ai lenei galuega e leai se isi tulaga moomia faaopoopo.

4.3.7 MANATU FAAALIA I FAIGA FAAVAE AOA O

- O loo faaauau pea ona 'auai le Komisi i fefaasoa'iga ma fai le sao e ala i le tuuina atu o fautuaga i Faiga Faavae Aoa Faata'ita'i e talanoaina i le laulauāfono a le Komiti Faufautua Aoa mo Faiga Faavae.
- O se avanoa lelei foi lea mo le Komisi e tuuina atu ai nisi o faamatalaga talafeagai i se faiga faavae e talanoaina e le Komiti Faufautua Aoa o Faiga Faavae. O le tulaga foi lea sa faatinoina i le talanoaina o le Ta'iala o Feagaiga Faa-va-o-Malo a le Matagaluega o le Va i Fafo & Fefaataua'iga, sa faatinoina ai e le Komisi ni su'esu'ega amata ma tuuina atu ai se fautuaga i le Matagaluega mo la latou silasila ma fefa'asoa'iga aua le agai i luma o la latou Tusi Ta'iala o Feagaiga Faa-va-o-Malo.
- O lenei tausaga faaletupe, sa tuuina atu ai e le Komisi ni manatu ma fautuaga mo Faiga Faavae o loo tā'ua i lalo, mo le faatōfala'iga a le Komiti ma Matagaluega e patino tonu i ai faiga faavae:
 - Faiga Faavae faataitai mo se Auaunaga Faa-tekonolosi e Tasi a le Malo (Matagaluega o Fesootaiga ma Faamatalaga Faa-tekonolosi);
 - Faiga Faavae faataitai o le Sa'olotoga e Saofagā ai i Faamatalaga (Matagaluega o Fesootaiga ma Faamatalaga Faa-tekonolosi);
 - Faiga Faavae faataitai o Faatoaga & Faiga Faiva 2021-2031 (Matagaluega o Faatoaga ma Faiga Faiva)

4.3.8 TA'IALA O TULAFONO MA LE AMIOTONU – E TALI ATU AI I SAUAGA I TINĀ & TAMA'ITA'I

- O le avea ai ma sui o le Lālā o Tulafono ma le Amiotonu, e 'auai ai le Komisi ma fa'aali manatu i fefaasoa'iga a le Lālā i nisi o mataupu e alia'e mai. Sa faatinoina se fonotaga i le masina o Me 2022, ma tuuina mai ai e le Failautusi o le Lālā le kopi o le Ta'iala o Tulafono & Faamasinoga e tali atu ai i tagata na aafia ma tagata na sao mai i sauāga aga'i Tinā ma Tama'ita'i, mo le silafia ma manatu e sui usufono. Na faailoa e le Komisi nisi o vaega e moomia ona toe Iloilo mo le sa'o ma le 'ato'atoa faale-tulafono o le Ta'iala. Na faafetaia e le Failautusi. Na toe tuuina atu e le Komisi i le Aso 21 Iuni 2022 manatu tusitusia, mo le faaleleia atili ma tuuina i totonu o le Ta'iala.

4.3.9 KOMISI SU'ESU'E

- Sa valaaulia mai le Pule Faatonu e auai i faatalanoaga ma tali i faafesili a Komiti o loo tā'ua i lalo:

(1) Komiti Faa-Palemene – Tulafono o Pulega o Faamasinoga 2020 & Tulafono o Fanua ma Suafa 2020

- Sa tapenaina e le Komisi faamaumauga uma o Tulafono e pei ona tā'ua i luga, ina ia folasia i luma o le Komiti.
- Na tuuina atu kopi o nei faamaumauga uma i le Komiti, e pei ona talosagaina mai.

(2) Komisi Su'esu'e o mataupu tau-palota 2021

- Sa tapenaina e le Komisi se folasaga i le Komisi Su'esu'e o Faiga Palota 2021, ma tali i fesili tuuina mai e sui o le Komisi, e ala lea i se suesuega sa tapenaina i Tulafono talafeagai, e pei o le Tulafono Faavae o Samoa 1960, Tulafono o Faiga Palota 2019 ma le Tulafono o Itumalo Faa-palota 2019.
- O le talosaga mai ai o le Komisi Su'esu'e o Faiga Palota 2021, na tuuina atu ai kopi o le folasaga, suesuega ma iloiloga mo le Komisi Suesue.

4.4 GALUEGA FAATINO FAAOPOPO NA FAAMA'ITE E LE PULE FAATONU

E lima (5) Galuega Faatino Faaopopo na faama'ite e le Pule Faatonu o le Komisi i lenei Tausaga Faaletupe, ma o auiliiliga o nei galuega faapitoa o loo tuuina atu i lalo:

4.4.1 FETUUNAI MUNIAO (POLOKETI FAAPITOA)

- O le mulimuli ai i le tuuina atu o Tulafono e 3 (Tulafono o Teuteuga o le Faavae 2020, Tulafono o Fanua ma Suafa 2020 ma le Tulafono o Faamasinoga 2020) mai le Poloketi Faapitoa o le Fetuunai Muniao, na fuafua ai loa le Komisi e faamauina ma faalauiloa le faagasologa o le fausiaina o nei tulafono e tolu mo faamaumauga i le lumanai a le Palemene. Peita'i, ona o le suiga o tulaga e ave i ai le faamuamua a le mālō ma vavao o le KOVITI-19, e le'i mafai ai ona faagasolo lenei galuega.
- Mo lenei Tausaga Faaletupe, sa fuafua foi le Komisi e sailia, ma o le a fesoasoani le Komisi ma tuuina atu ni fautuaga i le Tulafono Faafoe o Tualumaga o le Faamasinoga o Fanua ma Suafa 2021, Tulafono Taufaaofi o le Komisi o Auaunaga a le Faamasinoga 2021, ma le Tulafono Taufaaofi o le Komisi o Faamasinoga o Fanua ma Suafa 2021 (faaopoopoga i Tulafono e 3 na pasia i le 2020).
- Na taulimaina e le Komisi ni talosaga mo kopi o Tulafono Tau Faaofi faaopopo ma na tuuina atu e pei ona talosagaina. E lei toe i ai se isi talosaga mai le Matagaluega o Faamasinoga, Faamasinoga o Fanua ma Suafa poo le Ofisa o le Loia Sili mo se fesoasoani a le Komisi i lenei tausaga faaletupe, o le mea lea e lei toe mana'omia ai se galuega i lalo o lenei Poloketi Faapitoa.
- O lea la sa tapunia aloaia ai lenei Poloketi i le amataga o le 2021.

4.4.2 MĀE'A AI O LE FAIGA PALOTA LAUTELE I LE 2021

- Ina ua mae'a le Faiga Palota Lautele o le 2021, na amata ai loa e le Komisi ona tuuina atu ni fesoasoani mo su'esu'ega ma au'ili'iliga i le Ofisa o le Loia Sili se'ia mae'a matāupu, pe se'ia lē toe mana'omia se fesoasoani a le Komisi. O nei galuega fesoasoani sa faamāe'aina i lenei tausaga faaletupe.

4.4.3 PALOTA LAUTELE O LE 2021 MA ISI PALOTA LAUTELE E LIMA

- Ina ua mae'a le Faiga Palota Lautele o le 2021, na amata ai loa su'esu'ega muamua a le Komisi i le talaaga o tausaga o Faiga Palota Lautele talu ai (2016, 2011, 2006, 2001 & 1996) mo faatusatusaga o iloiloga ma mea na tutupu ina ua mae'a le Faiga Palota Lautele 2021. O le autu o lenei taumafaiga o le faamaumauina ma auiliili faagasologa faaletulafono ma laasaga i faiga palota lautele talu ai, pe a faatusatusa i le faiga Faiga Palota Lautele 2021.
- O su'esu'ega amata ma iloiloga faatusatusa o le Faiga Palota Lautele 2021 ma le 5 faiga palota talu ai na taofia ona o le suiga i galuega na ave i ai le faamuamua a le Komisi.

Aotelega o galuega na faatinoina:

- O Faiga Palota Lautele e lima talu ai (1996, 2001, 2006, 2011 ma le 2016), i le tausaga e tasi o le Faiga Palota, na faia ai e le Ao o le Malo na o le tasi (1) le Folafolaga mo le Palemene e tauaofia (faatasi ai ma le folafolaga mulimuli ane mo le Fono Aoao Faitulafono e fono (fono aloa'ia muamua) ina ua maea le uluai taloina ma le faatautoina o Sui Usufono o le Palemene).
- O le Faiga Palota Lautele 2021, na faia ai e le Ao o le Mālō ni Folafolaga se 4:
 - Lua folafolaga eseese mo le Palemene e tauaofia; ma le

- Lua isi folafolaga na faia mo le taimi muamua i le Faiga Palota Lautele mo le Palemene 2021, o le folafolaga mo faiga palota fou ma le folafolaga e faalēaogaina ai le folafolaga na faia e tauaofia ai le palemene.

- Mai le fa (4) o Folafolaga na faia, e tolu na faia i lalo o le **Mataupu 52** (Fono a le Fono Aoao Faitulafono) o le Faavae; ma le tasi na faia e tusa ai ma le **Mataupu 64** (Faiga Palota Lautele) o le Faavae.
- Mai le au'iliiliga na faatinoina e le Komisi, o loo iai aiaiga na faamauina mo ni toefuata'iga e mafai ona fa'atinoina e foia ai ni to'atūgā faapea pe a tula'i mai i Faiga Palota i le lumana'i. O nisi o ia aiaiga (e tusa ai ma sailiiliga muamua) o le Mataupu 52 (Fono a le Fono Aoao Faitulafono) ma le Mataupu 64 (Faiga Palota Lautele) o le Faavae o le Mālō Tutoatasi o Samoa 1960, faapea ai ma le Vaega 52 (tusi o le faiga palota na tuuina atu e le Ao o le Mālō) o le Tulafono o Faiga Palota 2019.
- O le aotelega, e tusa ai ma tulaga tulaga ese na tulai mai i le Faiga Palota Lautele 2021, e mafai ona faia se iloiloga e uiga i le toe iloiloina o le faiga o faiga palota/laasaga/mea tutupu i totonu o Samoa, ma le amanaia o isi atunuu ma a latou tulafono o faiga palota ma soo se mea tulaga ese e ono tulai mai i a latou faiga palota lautele, lea e mafai ona ofoina atu ai le taitaiga mo Samoa i le lumanai.
- O lona aotelega, e tusa ai ma tulaga mata'utia na tulai mai i le Faiga Palota Lautele 2021, e mafai ona faia se iloiloga faaopoopo o le faavaa o faiga palota / laasaga / ma mea e tutupu i totonu o Samoa, ma le amanaia o isi atunuu ma a latou tulafono o faiga palota ma soo se mea tulaga ese e ono tulai mai i a latou faiga palota lautele, ma e ono faataoto mai ai se taiala mo Samoa i le lumanai.

4.4.4 FAAMAUMAUGA MO LE TALIAINA O LOIA I LE SOSAIETE A LOIA SAMOA

- O loo fa'aauau pea ona ofoina atu e le Komisi fesoasoani i su'esu'ega ma au'iliiliga pe a tula'i mai ni avanoa i ana galuega i lea aso ma lea aso. O se tasi o ia mataupu na faia i ai tapenaga o pepa ulufale mo Sui Su'esu'e Faaletulafono a le Komisi ia Iuni 2022. Na fa'aaogaina e le Pule Faatonu lea auala e lāgā ai nisi o mataupu i pepa ma faamaumauga talafeagai mo le Sosaiete a Loia a Samoa e iloilo ma faamanino e tusa ai ma le Tulafono o Loia ma Faiga Faaloia 2014 ma Tulafono Faafae a le Faamasinoga Maua. Na ioeina ma talia e le failautusi a le Sosaiete fautuaga na tuuina atu.

4.4.5 ILOILOGA O LE UPEGA O TULAFONO A SAMOA

- Talu ai o le galuega a le Komisi e faalagolago tele i le malamalama ma le talisapaia o le tulaga atoa o tulafono a Samoa, e faafetaia ai e le Komisi le Ofisa o le Loia Sili mo le fa'aauauina o lo latou tuufaatasia pea o tulafono a Samoa.
- Mo fa'aaliga, su'esu'ega ma iloiloga a le Komisi, o se lisi o tulafono a Samoa e pei ona faamaumauina i le tuufaatasiga lata mai a le OAG o tulafono a Samoa e oo atu ia Mati 2021 (le aofa'i e 269 tulafono), sa lolomiina e fai ma fu'a mo faalauiloa (Back-Drop).
- Soo se faatalanoaga faalauiloa i le lumana'i a le Komisi i luga o le uega o tulafono a Samoa, o le a fa'aauau pea ona limata'ita'iina e le tuufaatasia o tulafono a Samoa i le lumana'i e pei ona faafouina ma faalauiloa e le Ofisa o le Loia Sili.

5. LIPOTI I LE FAATINOGA O GALUEGA

5.1 FAAMATALAGA O GALUEGA FAATINO MO LE TAUSAGA FAALETUPE 21/22

E tusa ai ma matāfaioi a le Komisi o le Toefuataiga o Tulafono a Samoa, ua tuuina atu ai faamatalaga o galuega faatino faaletausaga, ua saunia e tusa ai o le Vaega XIV o le Tulafono o Pulega o Tupe a le Malo 2001 mo le tausaga faaletupe 2021-2022 ma ua folasia atu ai galuega faatino a le Komisi ina ia tusa ai o aiaiga o lenei Tulafono.

5.2 TAUNUUGA UA FUAFUAINA E LE KOMISI

Taunuuga o le a Ausia e le Matagaluega:

“O tulafono toe teuteu ma tulafono fou ua o gatasi ma le va fealoaloai, aganuu ma le atinae o pisinisi a Samoa”.

E sefulu (10) ni fua o galuega faatino sa fuafua ma faatino i le tausaga faaletupe 2021/2022 ma le faamoemoega ia ausia ai le taunuuga manaomia a le Komisi - o le faatautaia o suesuega amata e tusa ai o manaoga o tulafono ma faatinoga talafeagai mo le faamoemoe e toe iloilo tulafono a Samoa. O le faatautaia ai lea o suesuega amata a le Komisi e taulai atu lea i le faia o suesuega aoatetele, auililiga ma faatalanoaga ma le atunuu lautele, lea e afua ai ona fausia fautuaga mo le toe fuataiga o tulafono.

“E taulai le vaai a le Komisi i le faamaite o le toefuataiga o tulafono lelei, e talafeagai ma tali atu i manaoga o Samoa.”

E tusa ai ma lea tulaga, o loo faaauau pea ona galulue soosoo tauau le Komisi ma le Ofisa o le Loia Sili ma paaga a le Lala o le Tulafono ma le Amiotonu e fuafua ma faasoa punaoa e tapena ai galuega faatino pe a tuuina mai ni galuega faatino fou i le Komisi mo galuega iloilo.

5.3 AUIVI MO LE FUA FAATATAU O GALUEGA FAATINO 2021/2022

Ua faailoa atu i le Siata 3 taunuuga o galuega ua ausia a le Komisi mo le tausaga faaletupe lenei.

Taunuuga o Galuega Faatino pe a faatusa i Galuega sa Faatatauina mo le Tausaga Faaletupe 2021 – 2022

| Fua Faatatau o Galuega Faatino | Tapulaa Faatulagaina | Tulaga Ausia | Tulaga ua iai nei pe a faatusa i Fua Faatatau o Galuega Faatino 2021-2022 |
|---|----------------------|---------------|---|
| <p>1. Galuega Faatino Faaopoopo/Galuega Faatino e tuuina mai e le Afioga i le Palemia, Loia Sili ma le Kapeneta: - Suesuega ma tuuina atu fautuga</p> | (3) 100% | Ausia le 100% | <p>E tolu (3) ni Galuega Faatino Faaopoopo na tuuina mai i le Komisi e le Afioga i le Palemia ma le Loia Sili ma faama'eaina i totonu o lenei tausaga faaletupe:</p> <p>(i) Faaiu le Faiga Palota Lautele 2021 :</p> <ul style="list-style-type: none"> - Na faatinoina e le Komisi ni suesuega ma auiliiliga e fesoasoani atu ai i le Ofisa o le Loia Sili. Na faatinoina lava lea fesoasoani ina ua ma'ea ma le toe manaomia e le Ofisa o le Loia Sili. Ua ma'ea lea galuega. <p>(ii) Iloiloga o Tulafono tau Fanua (Matagaluega o Punaoa Faalenatura ma le Siosiomaga, Faalapotopotoga o Fanua a Samoa ma le Faalapotopotoga o Esetete Tausi a Samoa</p> <ul style="list-style-type: none"> - Na faamauina e le Komisi lea galuega faatino mo fesoasoani tau suesuega mo le Ofisa o le Loia Sili ina ia faamauina i totonu o Fuafuaga Autasi a le Komisi mo Tausaga Faaletupe 2021-2025. - E tusa ai o muai faatonuga na tuuina mai i le Komisi, na faamauina lenei galuega faatino o se galuega faaopoopo i totonu o ana fua faatatau o galuega seia tuuina mai aloaia se Tuutuuga o Galuega Faatino (pe afai e iai). E lei tusia ma tuuina mai se Tuutuuga o Galuega Faatino. <p>(iii) Suesuega i le Tulafono o Fanua ma Suafa 2020 ma le Tulafono o le Toe Teuteuga o le Faavae 2020:</p> <ul style="list-style-type: none"> - Ma'ea suesuega i le Tulafono o Fanua ma Suafa 2020 ma le Tulafono o le Toe Teuteuga o le Faavae 2020 ma tuuina atu ai se fautuuga i le Ofisa o le Loia Sili i le fa'aaogaina o tulafono e patino tonu lava i le tofiga o faamasino o le Faamasinoga o Fanua ma Suafa, aiaiga tau soloaiga ma le tusiaina. |

| | | | |
|---|-----------------|----------------------|---|
| <p>2. Galuega Faatino Faaopoopo e tuuina mai e Matagaluega a le Malo ma Vaega Tumaoti - faatino suesuega ma tuuina atu fautuaga</p> | <p>(3) 100%</p> | <p>Ausia le 100%</p> | <p>E iva (9) le aofaiga o Galuega Faatino Faaopoopo na tuuina mai e Matagaluega a le Malo ma Vaega Tumaoti i totonu o lenei tausaga faaletupe:</p> <p>(i) Na talosagaina e le Matagaluega o Faalapotopotoga a le Malo se fesoasoani a le Komisi mo se toe iloiloga o tulafono o loo limataitaia ai galuega a le Pulega o Faalapotopotoga a le Malo (o se iloiloga aoatetele o nisi o tulafono e 33 a Faalapotopotoga Tumaoti):</p> <ul style="list-style-type: none"> - O lenei galuega e le o se Poloketi ona e lei taulimaina e le Komisi se Tuutuuga o Galuega Faatino, - Na talanoaina e le Komisi ma le Matagaluega o Faalapotopotoga a le Malo faatonuga ma manulauti o loo faamoemoe le Matagaluega o Faalapotopotoga a le Malo e ausia pe a toe Iloilo tulafono a le Matagaluega, - Na faamauina e le Komisi lenei galuega o se Galuega Faatino Faaopoopo seia ma'ea faatalanoaga amata ma le Matagaluega o Faalapotopotoga a le Malo ma ia fausia se Tuutuuga o Galuega Faatino (pe afai e iai). <p>(ii) Talosaga a se Faufautua Faapitoa a le UNDP (Polokalame e Puipuia Agafesootai) - Faatalanoaga Muamua i ni iloiloga talafeagai o tulafono tau puipuiga lautele i Samoa:</p> <ul style="list-style-type: none"> - I uluai faatalanoaga, na faamanino ai e le Komisi le faagasologa o le tuuina atu o mataupu mo iloiloga a le Komisi ma sa maitauina foi e le o iai i totonu o Samoa ia aseta talafeagai mo se faiga tau puipuiga lautele. O lenei galuega ua faamauina o se galuega faatino faaopoopo seia fausia se Tuutuuga o Galuega Faatino mo se faamaoniga a le Afioga i le Palemia, Kapeneta poo le Loia Sili. <p>(iii) Ata Faataitai o Taiala ma Faiga Faavae mo le Faamautinoa o Tulaga Lelei a le Pulega o Faailoga ma Tusi Pasi Taualoa a Samoa 2022:</p> <ul style="list-style-type: none"> - Na tuuina atu ni manatu tusitusia a le Komisi e tusa ai o le Ata Faataitai o Taiala ma Faiga Faavae mo le Faamautinoa o Tulaga Lelei a le Pulega o Faailoga ma Tusi Pasi Taualoa a Samoa 2022 <p>(iv) Faatalanoaga ma Paaga - Ata Faataitai o le Tulafono Taufaaofi a le Pulega o Faailoga ma Tusi Pasi Taualoa 2022</p> <ul style="list-style-type: none"> - Na tuuina atu manatu o le sui o le Komisi na auai i Faatalanoaga ma Paaga i le Ata Faataitai o le Tulafono Taufaaofi a le Pulega o Faailoga ma Tusi Pasi Taualoa <p>(v) Talanoaga a va o atunuu e faatatau i le Vaetamaina o fanau(Samoa ma Niu Sila)</p> <ul style="list-style-type: none"> - Na matauina e le Komisi mai uluai faatalanoaga i le va o Samoa ma Niu Sila e |
|---|-----------------|----------------------|---|

| | | | |
|--|----------------|----------------------------|--|
| | | | <p>tauala atu i le Matagaluega o le Va i Fafu ma le Matagaluega o le Faamasinoga, lana matafaioi e patino lava i le iloiloga o tulafono a Samoa (e pei ona iai lana Iloiloga o Tulafono o Mataupu Tau Aiga a Samoa). O i latou tonu e faaono maua ai ni manatu 'anoa mo lenei mataupu o Matagaluega o loo faatinoina ma faatonutonuina tulafono tau vaetama i totonu o Samoa.</p> <p>(vi) Iloiloga o le iai o Malo Afaatasi i Samoa:</p> <ul style="list-style-type: none"> - Na iloiloina ma tuuina atu ni manatu o le Komisi i le Auiliiliga o Tulaga Masani tau le Atunuu (CAA) i luga o tulaga ua ausia, luitau ma faaletonu e faasino i tulaga ua lagolagoina mo Malo Afaatasi. <p>(vii) Taiala mo le Fausia o Feagaiga Faa-va-o-malo:</p> <ul style="list-style-type: none"> - Na tuuina mai e le Matagaluega o le Va i Fafu se avanoa i le Komisi e tuuina atu ai se tali poo se sao e faatatau i le Taiala mo le Fausia o Feagaiga Faa-va-o-malo - Na faatautaia e le Komisi ana suesuega amata ma tuuina atu ai ni manatu mo le silasila a le Matagaluega o le Va i Fafu. <p>(viii) Ata Faataitai o le Faiga Faavae Lautele mo le NPCC</p> <ul style="list-style-type: none"> - O loo faaauau pea ona auai le Komisi i talanoaga ma o loo tuuina atu ai sona sao i le Ata Faataitai o le Faiga Faavae Lautele o loo tuuina atu i le NPCC, aemaise lava i faiga faavae e faasino i galuega ua ma'ea a le Komisi poo galuega foi o loo faatino i le taimi nei. <p>(ix) Komisi Suesue</p> <ul style="list-style-type: none"> - Na auai le Pule Faatonu o le Komisi, ma faatino ni folasaga ma tali atu i mataupu na laga mai i Komisi Suesue i lenei tausaga faaletupe:: <p>(i) Komiti Suesue Faapitoa a le Palemene (Tulafono o le Toe Teuteuga o le Faavae 2020 & Tulafono o Fanua ma Suafa 2020); ma CAA 2020 & LTA 2020); and</p> <p>(ii) Komisi Suesue mo Mataupu tau Faiga Palota 2021.</p> |
| <p>3. Galuega Faatino Faaopoopo e faama'ite e le Pule Faatonu mo le Iloiloga ma Suesuega ina ia Fausia fautuaga mo le Malo ina ia o gatasi ma tulafono o loo iai nei.</p> | <p>(3)100%</p> | <p>Ausia le 67%</p> | <p>E tolu (3) ni Galuega Faatino Faaopoopo na faama'ite e le Pule Faatonu i totonu o lenei Tausaga Faaletupe:</p> <p>(i) Fetuunai Muniao (Poloketi Faapitoa):</p> <ul style="list-style-type: none"> - Na fuafua le Komisi e faatulaga se faatinoga mo le atinae'ga mo tulafono e tolu |

(3) (Tulafono o le Toe Teuteuga o le Faavae 2020, Tulafono o Fanua ma Suafa 2020 ma le Tulafono o Faamasinoga 2020) mo faamaumauga a le palemene i le lumanai. Ae peitai, e lei faataunuuina lea faatinoga ona o le suiga o galuega e ave iai le faamuamua faapea vavao o le Koviti-19.

- Na fuafuaina foi e le Komisi i lenei tausaga faaletupe le fesoasoani i le tuuina atu o fautuaga e tusa ai o Tulafono Taufaaofi Faaopoopo e 3 na tusia i le amataga o le 2021 (Tulafono Faafoe o Taulumaga o le Faamasinoga o Fanua ma Suafa 2021, Tulafono Taufaaofi o le Komisi o Galuega a le Faamasinoga 2021, ma le Tulafono Taufaaofi o le Komisi o le Faamasinoga o Fanua ma Suafa 2021). E le'i taulimaina e le Komisi ni talosaga mai le Komisi o Galuega a le Faamasinoga, Komisi o le Faamasinoga o Fanua ma Suafa, Matagaluega a le Faamasinoga poo le Ofisa o le Loia Sili i totonu o lenei tausaga faaletupe.
- Na tuuina atu e le Komisi kopi o Ata Faataitai o nei Tulafono Taufaaofi Faaopoopo pe a talosagaina. Na faatalitali lava le Komisi, ae peitai e lei iai nisi talosaga na tuuina mai mo se fesoasoani a le Komisi i lea taimi.

(ii) Faiga Palota Lautele i le 2021 ma isi Faiga Palota ua ma'ea (1996, 2001, 2006, 2011, & 2016):

- Ina ua ma'ea le Faiga Palota Tele a le Atunuu i le 2021 ma faafitauli na aliea mai ai, na faama'ite ai loa e le Pule Faatonu o le Komisi le faamauina ma le auiliiliina o le faagasologa o faatinoga faaletulafono/vaega na aliae mai i Faiga Palota ua ma'ea mo le faamoemoe e faataunuu se auiliiga faatusatusa.
- Na faatautaia ma faaiuina suesuega amata ma auiliiliga faatusatusa, ae peitai ane o lenei galuega faama'ite na taofia ona o le suiga i galuega e tatau ona ave iai le faamuamua.

(iii) Iloiloga o le Upega o Tulafono a Samoa:

- O le a faaaauu pea ona faalagolago le Komisi i le Tuufaatasiga o Tulafono a Samoa o loo faatautaia e le Ofisa o le Loia Sili o se faamaumauga o tulafono a Samoa, ina ia sosolo ai le iloiloga ma le toefuataiga o tulafono e le Komisi..Soo se faatalanoaga faamalamalama lava a le Komisi e faasino i le upega o tulafono a Samoa o le a limataitaia e le Tuufaatasiga o Tulafono a Samoa a le Ofisa o le Loia Sili.

| | | | |
|---|--|----------------------------|--|
| <p>4. ILOILOGA O TULAFONO O MATAUPU TAU AIGA A SAMOA – LAASAGA 3 <i>Faaauau mai i le Tausaga Faaletupe 2019-2020</i></p> <p>6 Tulafono o Mataupu Tau Aiga: 1. Tulafono o Tamaiti 1961; 2. Tulafono o Faaipoipoga 1961; 3. Tulafono o Mafuaaga o le Tatalaga o Faaipoipoga 1961; 4. Tulafono o le Tausiga, ma le Faamaoniga o Tama 1967; 5. Tulafono o le Saogalemu o Aiga 2013; ma le 6. Tulafono o le Faamasinoga mo Mataupu Faatatau i Aiga 2014.</p> | <p>1. Faatalanoaga Faalauaitete Faaopoopo na faaauau lona faatinoina (5 Savaii, 5 Upolu): Iulai – Oketopa 2021</p> <p>2. Vaega muamua o le tuufaatasiga o manatu na tuuina mai i Faatalanoaga Lautele ma manatu tusitusia e faaono tuuina mai Setema – Novema 2021</p> <p>3. Suesuega ma Auililiga Faaopoopo e alia’e mai i manatu na tuuina mai faapea manatu tusitusia: Tesema 21- Ianuari 2022</p> <p>4. Faatalanoaga ma Paaga – e tusa ai ma le aotelega o manatu ma atugaluga na laga, e faapefea ona faatinoina ma le tonu? (Matagaluega o le Faamasinoga, Ofisa o le</p> | <p>Ausia le 99%</p> | <p>Iloiloga o Tulafono o Mataupu Tau Aiga (Laasaga 4 – 6) sa faaauau ma faama’eaina i totonu o lenei Tausaga Faaletupe:.</p> <p>Laasaga 4:</p> <p>O Faatalanoaga Lautele i Upolu e faasino i Tulafono o Mataupu Tau Aiga e 6 na faaauau mai i le tausaga Faaletupe 20/21 lea na faatinoina i totonu o lenei Tausaga Faaletupe mai le aso 25 Oketopa – 10 Novema 2021.</p> <p>Laasaga 5:</p> <ul style="list-style-type: none"> - Na faatautaia ni suesuega faaletulafono ma iloiloga o tusitusiga faaopoopo ina ia faamautinoa ai auililiga o manatu ma finagalo tusitusia na maua a le Komisi, ma le faamoemoe e fausia ai ni fautuaga ‘anoa mo le toefuataiga o tulafono. <p>Laasaga 6:</p> <ul style="list-style-type: none"> - Na ma’ea tusiaina le Ripoti Faaiu mo le Iloiloga o Tulafono o Mataupu Tau Aiga a Samoa i totonu o lenei Tausaga Faaletupe ma tuuina atu ai i le Afioga i le Minisita i le aso 16 Iuni 2022 mo sana faamaoniga ao lei tuuina atu i le Kapeneta. - O le aso 1 Iulai 2022, na tuuina atu ai le Ripoti Faaiu o lenei iloiloga mo se faamaoniga a le Kapeneta e pei ona masani ai. |
|---|--|----------------------------|--|

| | | | |
|---|--|---------------------------|--|
| | <p>Loia Sili, Ofisa o Pepa Fanau, Maliu ma Faaipoipoga, Matagaluega o Leoleo ma Matagaluega Tina ma Tamaitai): Fepuari - Aperila 2022</p> | | |
| <p>5. Tulafono o Taavale e Feoi i luga o Ala Tetele a Samoa:- O le iloiloga atoa o le Tulafono o Taavale e Feoi i luga o Ala Tetele a Samoa o le a fausia ai fautuaga e tuuina atu i le Kapeneta e fua i luga o tulafono ua ta’ua i lalo:</p> <p>1. Tulafono o Taavale Feoi i luga o Ala Tetele 1960 (e aofia ai Tulafono Faatonutonu, Poloaiga, ma Tulafono Faafoe)</p> <p>2. Tulafono o Taavale Feoi i Ala Tetele (Tupe Totogi o Faasalaga Tau Tupe) 2009 (e aofia ai Tulafono Faatonutonu, Poloaiga, ma Tulafono Faafoe)</p> <p>3. Tulafono o Suiga Tau Felauaiga i luga o Auala 2008 (e aofia ai Tulafono Faatonutonu, Poloaiga, ma Tulafono Faafoe)</p> <p>4. Tulafono o Felauaiga i luga o le Laueleele 2007 (e aofia ai Tulafono Faatonutonu, Poloaiga, ma Tulafono Faafoe)</p> | <p>1. Tuufaatasiga o taunuuga o suesuega amata ma tuuina atu le Pepa o Talanoaga i le Kapeneta: Iulai - Tesema 2021</p> <p>2. 10 Faatalanoaga (7 Matagaluega, 3 Faatalanoaga Lautele): Ianuari - Mati 2022</p> <p>3. Tusia le Ripoti Faaiu ma tuuina atu i le Kapeneta: Aperila - Iuni 2022</p> | <p>E lei ausia</p> | <p>Iloiloga o Tulafono o Taavale e Feoi i luga o Ala Tetele a Samoa:</p> <ul style="list-style-type: none"> - E lei faataunuuina le iloiloga atoa o le Tulafono o Taavale e Feoi i luga o Ala Tetele i totonu o lenei Tausaga Faaletupe ona o nisi o galuega faatino e tatau ona ave iai le famuamua, o le to’agaogao o le afaigaluega o le vaega o loia, ma le aafiaga o vavao o le Koviti 19. - O lenei iloiloga ua tuuina atu e fa’aaauu i le tausaga faaletupe o le a sosoo ai. |

| | | | |
|---|--|-----------------------------|---|
| <p>5. Tulafono o le Ofisa o le Minisita o Felauaiga 1978 (e aofia ai Tulafono Faatonutonu, Poloaiaga, ma Tulafono Faafoe)</p> | | | |
| <p>6. Iloiloga o le Tulafono o Aupega 1960. Faatino suesuega ina ia fausia ni fautuaga e tuulata mai ai le Tulafono o Aupega.</p> | <p>Tuufaatasi taunuuga o suesuega amata ma tuuina atu le Pepa o Talanoaga i le Kapeneta: Iulai - Aukuso 2021</p> <p>2. Faatino faatalanoaga ma Matagaluega ina ia fausia ai ni fautuaga ma se Ripoti Faaiuga mo se faamaoniga a le Kapeneta : Setema - Tesema 2021</p> | <p>E lei Ausia</p> | <p>Iloiloga o Tulafono o Aupega 1960:</p> <ul style="list-style-type: none"> - Na taofia suesuega ma faatalanoaga amata mo leni iloiloga ona o nisi o galuega faatino e tataua ona ave iai le famuamua, o le to'agaogao o le afaigaluega loa, ma le aafiaga o vavao o le Koviti 19. - O leni iloiloga ua tuuina atu e fa'aaau i le tausaga faaletupe o le a sosoo ai. |
| <p>7. POLOKETI FAAPITOA : "Fetuunai Muniao"</p> <ul style="list-style-type: none"> - Tu ma Aganuu i totonu o le Tulafono Faavae ma le iloiloga o le Faamasinoga o Fanua ma Suafa. - O le manulauti o le tusia lea o Tulafono Taufaaofi e tolu ua tuuina atu i lalo: <ol style="list-style-type: none"> 1. Tulafono Taufaaofi o le Toe Teuteuga o le Faavae 2020 2. Tulafono Taufaaofi o Faamasinoga 2020 3. Tulafono Taufaaofi o le Faamasinoga o Fanua ma | <p>100%</p> <p>O le fausia o tulafono/tulafono taufaaofi ma tulafono faafoe o se taunuuga o Tulafono Taufaaofi e 3</p> | <p>Ausia le 100%</p> | <p>Ua maea ona tusia e le Komisi tulafono faaopoopo e 3 i le amataga o le tausaga 2021.</p> <ol style="list-style-type: none"> 1) Ata Faataitai o Tulafono Faafoe o Tualumaga o le Faamasinoga o Fanua ma Suafa 2021 (ma'ea ma na tuuina atu i le Matagaluega o le Faamasinoga i le aso 3 Fepuari 2021) 2) Ata Faataitai o le Tulafono Taufaaofi o Galuega o le Komisi o Faamasinoga 2021 (ma'ea ma na tuuina atu ai i le Ofisa o le Loia Sili i le aso 12 Fepuari 2021) 3) Tulafono Taufaaofi o le Komisi o le Faamasinoga o Fanua ma Suafa (ma'ea ma tuuina atu ai i le Ofisa o le Loia Sili i le aso 26 Fepuari 2021) <p>E le i toe iai ni galuega faatino faaopoopo na manaomia mai mo leni Poloketi Faapitua i totonu o le Tausaga Faaletupe leni (2021-2022). Na ma'ea ai loa galuega faatino uma ma tapunia aloaia ai loa leni Poloketi i le amataga o le 2021.</p> |

| Suafa 2020 | | | |
|--|--|-----------------------------|---|
| <p>8. Iloiloga o le Upega o Tulafono a Samoa</p> <p>- Taamilosaga 2: Tuulata mai le Upega o Tulafono a Samoa/Faalauiloa Tulafono a Samoa</p> | <p>1. Aoina o faamatalaga o tulafono o loo limataitaia ai galuega a Matagaluega a le Malo ma Vaega Tuma'oti/Ofisa Faaletulafono, Ofisa Faalefaavae (o le aoina o faamaumauga o le a maua i le taimi o faatalanoaga ma paaga: Setema- Tesema 2021</p> <p>2. E tuufaatasia e le Komisi taunuuga o ana suesuega ma tusia se Pepa o Faamatalaga e tuulata ai le Upega o Tulafono a Samoa mai ia Tesema: Ianuari – Iuni 2022</p> | <p>Ausia le 100%</p> | <p>Iloiloga o le Upega o Tulafono a Samoa:</p> <ul style="list-style-type: none"> - Na ma'ea ma tuufaatasia le tuulataina mai o le Upega o Tulafono a Samoa i totonu o lenei tausaga faaletupe. O le tuufaatasiga o tulafono e oo mai ia Mati 2021 na lolomiina i se siata faailoa ia Iuni 2022 mo le ofisa faapea le faamoemoega mo le faalauiloina. |
| <p>9. Faamaumauga ma le Puleaina o Faamatalaga</p> | <p>1. Faaulu se Ata ma le Atia'eina o se Upega o Faamaumauga. (O se Kamupani/Tagata Tomai Faapitoa)</p> <p>2. Fuafuaga o le Faataatiaga o le Upega o</p> | <p>E lei ausia</p> | <p>Faamaumauga ma le Puleaina o Faamatalaga:</p> <ul style="list-style-type: none"> - Talu ai ona o le maualuga o le tau ma tupe totogi mo le fausiaina o se upega fou mo faamaumauga, lea ua taula'i ai le vaavaai a le Komisi i le suia lea i se Upega o Faamaumauga Tutotonu ma e ausia ai le famoemoega lava e tasi. - O le tapenaga amata mo le atia'eina o se Upega o Faamaumauga Tutotonu o le a amatalia i le Tausaga Faaletupe Fou 2022 – 2023 |

| | | | |
|---|--|-----------------------------|--|
| | <p>Faamaumauga.</p> <p>3. Auiliiliga o le Upega o Faamaumauga</p> <p>4. Tusia o le Ata o le Upega o Faamaumauga</p> <p>5. Faatino le Ata o le Upega ma polokalame uma ma le iloiloga</p> | | |
| <p>10. Aso e mae'a ai le Fuafuaga Autasi a le Komisi 2022 – 2025</p> | <p>Iuni 2022</p> <p>(Faalauiloa le Fuafuaga Autasi mo le silafia o le vaaiga taula'i a le Komisi mo le isi tolu tausaga o le a sosoo ai)</p> | <p>Ausia le 100%</p> | <p>Tusia le Fuafuaga Autasi 2022-2025:</p> <ul style="list-style-type: none"> - Na fausia e le Komisi lana Fuafuaga Autasi 2022 – 2025 i totonu o le Tausaga Faaletupe lena i le ma'ea ai o faatalanoaga ma Vaega Taitasi ma fonotaga i totonu lava o le ofisa i le masina o Aperila ma Iuni 2022. - Na faamaonia e le Pule Faatonu ma le Pulega a le Komisi le Faaperetania o le Fuafuaga Autasi i le aso 16 Iuni 2022 ma na faaliliuina ai loa i le Faasamoa. - Na faamaonia e le Afioga i le Minisita, Matamua Seumanu Vasati Sili Pulufana i le aso 5 Iulai 2022. - O le ma'ea ai o le Fuafuaga Autasi a le Komisi o se taunuuga o le galulue faatasi o le Pulega male afaigaluega a le Komisi. |

Siata 3: Tulaga ausia o Fua Faatatau o Galuega Faatino a le SLRC mo le Tausaga Faaletupe 2021-2022

6. LU'ITAU

1. O se tasi o matāfaioi tutotonu a le Komisi o le faatinoina lea o suesuega ma auiliiliga o tulafono ma tuuina atu fautuaga talafeagai. O le maua o avanoa e faatautaia ai suesuega faaletulafono i upega tafailagi ma nisi lava ituaiga upega aoga, e matua tele lona taua i le fausiaina o fautuaga talafeagai. Ae peitai, o loo faaaauau pea ona feagai le Komisi ma le luitau o le itiiti o le avanoa e maua e faaaogaina ai upega o suesuega tau tulafono (e pei o le Lexis Nexis, NZLii ma le AUSTlii) mo suesuega faaletulafono, suesuega o tusitusiga, tusitusiga faavae ma isi e fesoasoani i le fausiaina o fautuaga mo le toefuataiga o tulafono a le Komisi, ona o le le gafatia o le tau o saofaga e mafai ai ona faaaogaina nei upega o suesuega.
2. O se tasi o luitau o loo faaaauau pea ona faamauina e le Komisi mai isi tausaga faaletupe ua tuanai, o le maualuga o le numera o le aufaigaluega e faamavae ma tuua le ofisa, ae patino lava i loia. O le tausaga faaletupe 2021-2022, na tuua ai e nisi o loia e toalua le Komisi mo nisi o Matagaluega a le Malo ma Vaega Tumaoti e maualuga atu le tofogi. O nisi o le aufaigaluega na tuua le ofisa ona o nisi o galuega o loo malifa iai le naunau e ese mai i galuega tau suesuega faaletulafono a le Komisi. I le faaiuga o le tausaga faaletupe, e toa sefulutolu le aofaiga o le aufaigaluega a le Komisi o loo iai. E iai le faamoemoe o le Komisi o le a siitia le numera o loia o le a filifilia lenei vaega o galuega faaloia o le faatautaia o suesuega ma auiliiliga faaletulafono mo le toefuataiga o tulafono i le lumanai, ina ia faaaauau ai pea le atinaeina o tulafono e talafeagai ma le siosiomaga ua iai Samoa i le taimi nei.
3. O Laasaga e ono (6) o le Faagasologa o le Toefuataiga o Tulafono a le Komisi e ma'ea ina ua tolautila lana Ripoti Faaiu i luma o le Palemene. O se tasi o luitau o loo feagai nei ma le Komisi o le tuuina atu lea o lana Ripoti Faaiu (ma ana fautuaga) e toe faatalanoa ma Matagaluega/Paaga i le ma'ea ai ona pasia e le Palemene. E ui lava o le manulauti a le Komisi o le faatautaia lea o iloiloga, suesuega ma le auiliiliga o tulafono e fausia ai fautuaga, o se luitau mo le Komisi le toe tuuina atu o sana Ripoti Faaiu (ma ana fautuaga) i Matagaluega poo Paaga i le ma'ea ai ona pasia e le Palemene. O lenei faafitauli e atagia mai ai o suesuega ma auiliiliga a le Komisi o loo i totonu o nei ripoti o le a tuai ao lei faatinoina. E iai le faamoemoe o le Komisi e vave fausia se isi laasaga faaopoopo i lana Faagasologa o le Toefuataiga o Tulafono o loo iai nei ina ia faamautinoa ai e talia fautuaga a le Komisi, ma pe a talafeagai mo se faatinoga vave (teuteuga i tulafono), poo le iloiloa o fuafuaga agai i le faatinoina pe a talafeagai ai ma le finagalo o Matagaluega e patino iai sea tulafono.

7. PULEAINA O TAGATA FAIGALUEGA

O le aufaigaluega a le Komisi, e aofia ai Loia ma le aufaigaluega lagolago mai le Vaega o Auaunaga Lautele. O le ala lea e mafai ai ona faatino fuafuaga ma galuega o loo faataoto mai i le Fuafuaga a le Lālā o Tūlāfono ma le Āmiotonu 2020-2025, faapea le Fuafuaga 'Autasi 2022-2025 a le Komisi.

O le faafaigaluegaina o tagata i avanoa tumau a le Komisi, e taitai e le Vaega o Auaunaga Lautele lona faatinoga, vaganā ai le aufaigaluega faa-konekarate, e faatinoina e le Komisi o Tagata Faigaluega a le Malo. O nei galuega o loo pūlea e ta'iala faavae mai le Tulafono o Galuega a le Malo 2004 ma le tusi ta'iala o le faafaigaluegaina o tagata faigaluega a le Malo 2005. E pei ona tā'ua, o nisi nei o ta'iala faavae o loo ta'ita'iina le faatinoga o lea pitolaau:

- Faavae taualoa filifilia;
- O le faasalalauina o avanoa e tatala mo soo se tasi; ma
- O le faa-pāleniga o alii ma tamaitai, o le laulauāfono, e nafa ma le faatalanoaga o avanoa faigaluega, e aofia ai le sui tūto'atasi mai fafo atu o le Komisi

7.1 FEGĀSOLOA'I O LE AUFAIGALUEGA

7.1.1 AUFAIGALUEGA UA FAAMAVAE

Avanoa Tumau:

- (i) O **Faapale Telesia Lemalu** o se tamaitai na galue i le Komisi mo le lima (5) tausaga. O le Aso 31 o Oketopa 2016 sa amata galue ai i le avanoa o le Loia Sinia, ae na siitia lona tulaga mai le avanoa Sinia i le Loia Sinia Maualuga i le Aso 1 o Me 2018. Na faamavae mai le Komisi i le Aso 3 Aokuso 2021 ina ua faamanuiaina i se tasi o avanoa Sinia Maualuga i le Matagaluega o le Va i Fafu ma Fefaatauaiga (MFAT).
- (ii) O **Grace Eugene Lafi** o se tamaitai na galue i le Komisi mo le lima (5) tausaga ma le 5 masina. Na faafaigaluega mai o se Loia Su'esu'e i le Aso 3 o Oketopa 2016 ma toe siitia lona tulaga i Aso 1 Me 2018 e avea ma Loia Sinia. Na toe siitia lona tulaga ma avea ma Loia Sinia Maualuga i le Aso 3 Me 2021. Peitai na ia faamavae mai le Komisi i le aso 21 Mati 2022 mo le tauaveina o se tasi o avanoa faigaluega i le Ofisa o le Loia Sili.
- (iii) O **Elena Tielu** e lua (2) tausaga ma le tasi (1) le masina sa galue ai i le avanoa Ofisa Sinia Maualuga o Tupe ma Faafoega Lautele i le Komisi. Sa faamavae i le Aso 18 o Me 2022, ona o nisi o mafuaaga patino ia te ia lava.

Avanoa Faavaitaimi

- (i) O **Christina Wanganui** sa galue fesoasoani, e faatino su'esu'ega i mataupu tau tulafono i lalo o le vaavaaiga a le Vaega o Tulafono. Sa faamavae ma le Komisi i le Aso 17 o Setema 2021, ina ua faamanuiaina i se tasi o avanoa faigaluega, i le Matagaluega o Galuega, Fela'uaiga ma Atina'e Tetele.

7.1.2 KONEKARATE UA MAE'A

- (i) O **Masinamua Maselusi Ah Poe** sa amata galue i le Komisi, e Pulea le Vaega o Auaunaga Lautele, i le Aso 7 o Ianuari 2019. Ae na faamutaina lana auaunaga i le Aso 6 Ianuari 2022, i le mae'a ai o le tolu (3) tausaga o lana konekarate.

7.1.3 TOFIGA FOU

- (i) Na faafaigaluegaina le tamaitai o **Hope Nattaley Crichton** i le aso 29 Novema 2021 e avea ma Loia Su'esu'e o le Tulafono mo le Komisi.
- (ii) Na tofia **Leaumoana Salima Lasalo Salima** e avea ma le Pule fou o le Vaega o Auaunaga Lautele i le Aso 8 o Aperila 2022.

7.1.4 POLOKALAME O LE GALUE FAATA'ITA'I

- (i) E iai taimi e talimālō ai le Komisi i tamaiti aoga mai Univesite i le Pasefika ma atunuu e mamao, o i latou o loo iai lo latou faamoemoega e galulue faa-Loia. O le isi vaega tāua i lenei polokalame, o le fausia lea o sootaga faapaaga ma fesootei ai ma isi faalapotopotoga.
- (ii) Mo lenei Tausaga Faaletupe 2021/2022, e lei mafai e le Komisi ona faataunuuina lenei polokalame tāua ma Iunivesite i atunuu mamao, ona o le tapunia ai o tu'oi o Samoa ona o

le Koviti 19. E iai le naunauta'iga o le Komisi e toe faaauuina lenei polokalame i tausaga o lumanai pe a toe tatala tuā'oi faavaomalo ma fō'ia le faama'i o le Koviti 19.

7.1.5 TUUFAATASIGA O LE 'AUFALUEGA A LE KOMISI I LE TAIMI NEI

| 'AUFALUEGA | FAITAU AOFA'I | TAMAITAI | ALII | TOTOGI |
|--|---------------|----------|----------|---------------------------|
| 'Aufaigaluega Faa-Konekarate | 3 | 2 | 1 | Pule Lagolago – Pule Sili |
| Sui Faatonu Lagolago | 2 | 1 | 1 | L17 |
| Loia | 2 | 2 | - | L10/L11 |
| Ofisa Sinia Mauluga | 2 | 2 | - | A16 |
| Ofisa Sinia | 2 | 1 | 1 | A12/A13 |
| Ofisa & Isi | 2 | 1 | 1 | A3-A7 |
| Avanoa faigaluega e lei faatumuina | | | | |
| Lōia Sinia Mauluga | 2 | - | - | L16 |
| Lōia Sinia | 2 | - | - | L14 |
| FAITAU AOFA'I (aofia ai ma tulaga faigaluega o loo avanoa) | 17 | 9 | 4 | |

Siata 4: Aufaigaluega a le Komisi i le taimi nei

8. AOAOGA MA LE TAPU'EINA O TOMAI

O polokalame ma mafutaga faale-aoaoga na auai atu i ai sui o le Komisi i le Tausaga Faaletupe 2021/2022.

8.1 VAEGA O TULAFONO.

| POLOKALAME FAALEA'OA'OGA | O LĒ / Ē NA FAATAUTAIA | ASO | NOFOAGA | SUI 'AUAI O LE KOMISI |
|--|------------------------------|-------------------------------------|---|-------------------------|
| Atina'ega o Ta'ita'iga a Tamaitai Talavou i totonu o le Vaega Lautele | Komisi o Galuega a le Malo | 1 vaiaso (2-6 Aokuso 2021) | Potu fono – PSC | Lizatalei Hakai-Stanley |
| Polokalame Faaleaaoaoga & Atina'ega o Tagata Faigaluega mo Pulega Sinia – Sui Pule Faatonu | Le Univesitē a Ueese i Saute | 5 masina (17 Mati – 17 Aokuso 2021) | Potu Fono (Komisi o le Toefuataiga o Tulafono a Samoa) – Aoaoga e faaoga ai | Sheliza Tapuai |

| | | | | |
|---|---|-------------------------------------|--|--|
| | | | fesootaiga faatekenolosi | |
| Polokalame Faaleaoaoga & Atina'ega o Tagata Faigaluega mo Pulega Sinia - Ofisa Sinia Maualuga | Le Univesitē a Uelese i Saute | 5 masina (17 Mati - 17 Aokuso 2021) | Potu Fono (Komisi o le Toefuataiga o Tulafono a Samoa) - Aoaoga e faaoga ai fesootaiga faatekenolosi | Tapuala Mearold Viliamu |
| Fefaasoaa'iga a le Lālā o Tūlāfono ma le Āmiotonu | Matagaluega o Faamasinoga ma Pulega Tau Faamasinoga | 1 aso (30 Setema 2021) | Potu Fono - Faletalimalo a le Taumeasina | Sheliza Tapuai & Tapuala Mearold Viliamu |
| Faauluiloa o le Iloiloga o le Saunia Faatekenolosi o Samoa | Matagaluega o Fesootaiga ma Faamatalaga Faatekenolosi | 1 aso (4 Oketopa 2021) | Faletalimalo a le Taumeasina | Telei'ai Dr. Lalotoa Mulitalo & Sheliza Tapuai |
| Avanoa e saofāgā ai le Malo i le Upega Tafailagi mo Faamatalaga a le Malo o Samoa | Komisi o Galuega a le Malo | 1 aso (15 Novema 2021) | Faletalimalo a Aggie Grey | Sheliza Tapuai |
| Faatalatalanoaga Lautele o se tala faata'ita'i o le Tulafono Taufaaofi o le Polokalame Faakomepiuta e faamaumuina ai faasinomaga o tagatānuu Samoa | Ofisa o Fuainumera Faamaumuina | 1 aso (15 Novema 2021) | Faletalimalo a le Taumeasina | Lizatalei Hakai |
| O le faaāogāina o faamaumuina mo le mata'itūina & iloiloa o le faatinoga o galuega | Matagaluega o Fesootaiga ma Faamatalaga Faatekenolosi | 1 vaiaso (6-10 Tesema 2021) | Potu Fono - Univesitē Aoao o Samoa | Grace Lafi & Ernest Aмоса |
| Aso Faapitoa mo Tinā & Tama'ita'i | Matagaluega o Tina ma Tamaitai, Afio'aga ma Agafesootai | ½ aso (8 Mati 2022) | Potu Fono - Faletalimalo a le Taumeasina | Faauu Kolia & Hope Crichton |
| Faatalatalanoaga ma Pā'aga a le Pulega o Faailoga ma Tusi Pasi Taualoa i le Teuteuga o le | Pulega o Faailoga ma Tusi Pasi Taualoa o Samoa | 1 aso (15 Mati 2022) | Faletalimalo a le Lava | Lizatalai Hakai - Stanley |

| | | | | |
|---|---|------------------------------------|--|--|
| Tulafono Taufaaofi 2022 | | | | |
| O metotia ma auala o suesuega i Tagatānuu ma le Pasefika | Telei'ai Dr. Lalotoa Mulitalo | 1 aso (18 Me 2022) | Potu Fono – Komisi o le Toefuata'iga o Tulafono a Samoa | Vaega a Lōia, Leauomoana Lasalo Salima & Tovale Filipino |
| Faatalatalanoaga o le fausia lea o le 'Auivi o le Faatumauina o le Galulue Felagolagoma'i a Samoa ma Mālō 'Aufaatasi | Mālō 'Aufaatasi i Samoa | 1 aso (26 Mati 2022) | Potu Fono - Faletalimalo a le Taumeasina | Telei'ai Dr. Lalotoa Mulitalo & Sheliza Tapuai |
| Tūsia o Tulafono | Le Univesitē o Lonetona | 4 vaiaso (20 Iuni – 15 Iulai 2022) | Potu Fono (Komisi o le Toefuataiga o Tulafono a Samoa) – Aoaoga e faaoga ai fesootaiga faatekenolosi | Sheliza Tapuai & Lizatalei Hakai – Stanley |
| Faauluiloa o le Ta'iala e tali atu ai i tagata ua āfāina & tagata ua sao mai Sauaga i Tinā ma Tama'ita'i | Matagaluega o Faamasinoga ma Pulega Tau Faamasinoga | 1 aso (30 Iuni 2022) | Potu Fono - Faletalimalo a le Taumeasina | Telei'ai Dr. Lalotoa Mulitalo & Tapuala Mearold Viliamu |

Siata 5: Aoaoga ma Fonotaga na auai le Vaega o Tulafono

8.2 VAEGA O AUAUNAGA LAUTELE

| POLOKALAME FAALEA'OA'OGA | O LĒ / Ē NA FAATAUTAIA | ASO | NOFOAGA | SUI 'AUAI O LE KOMISI |
|---|-------------------------------|-------------------------------------|--|------------------------------|
| Polokalame Faaleaooaoga & Atina'ega o Tagata Faigaluega mo Pulega Sinia - Sui Pule Lagolago | Le Univesitē a Ueese i Saute | 5 masina (17 Mati – 17 Aokuso 2021) | Potu Fono (Komisi o le Toefuataiga o Tulafono a Samoa) – Aoaoga e faaoga ai fesootaiga faatekenolosi | Masinamua Maselusi Ah Poe |
| Polokalame Faaleaooaoga & Atina'ega o Tagata Faigaluega mo Pulega Sinia - Ofisa Sinia Mauuluga | Le Univesitē a Ueese i Saute | 5 masina (17 Mati – 17 Aokuso 2021) | Potu Fono (Komisi o le Toefuataiga o Tulafono a Samoa) – Aoaoga e faaoga ai fesootaiga faatekenolosi | Elena Tielu |
| Tulaga Tutusa o | Matagaluega o | 2 aso (19-20) | Potu Fono – | Uiese Falaniko |

| | | | | |
|---|---|------------------------------|--|--|
| Alii ma Tamaitai & Amanā'ia i Agafesootai | Tina ma Tamaitai, Afio'aga ma Agafesootai | Iulai 2021) | Faletalimalo a le Lava | |
| Toe faamanatu o le Polokalame Tau Tupe Faa-komepiuta i tupe maua, aitalafu totogi, aseta, totogi o le afaigaluega ma le tapenaina o ripoti | Matagaluega o Tupe | 1 vaiaso (13-17 Setema 2021) | Potu Komepiuta – Faletupe Tutotonu o Samoa | Elena Tielu |
| Fonotaga a Taitai o loo vaaia Tagata Faigaluega | Komisi o Galuega a le Malo | 1 aso (17 Setema 2021) | Potu Fono – Komisi o Galuega a le Malo | Masinamua Maselusi Ah Poe |
| Mafutaga Faaleaoaoga e Fausiaina & Faatinoina Faiga Faavae o Faamatalaga ma Fesootaiga Faatekenolosi | Matagaluega o Fesootaiga ma Faamatalaga Faatekenolosi | 4 aso (4-7 Oketopa 2021) | Potu Fono - Faletalimalo a le Taumeasina | Ernest Amosa |
| Saogalemū & Soifua Malōlōina i Galuega | Komisi o Galuega a le Malo | 3 aso (23-25 Novema 2021) | Potu Fono - SSS | Florita Tupai |
| O metotia ma auala o suesuega i Tagatānuu ma le Pasefika | Telei'ai Dr. Lalotoa Mulitalo | 1 aso (18 Me 2022) | Potu Fono – Komisi o le Toefuataiga o Tulafono a Samoa | Leaumoana Salima Lasalo Salima & Tovale Filipino |
| Fonotaga a Taitai o loo vaaia Tagata Faigaluega | Komisi o Galuega a le Malo | ½ aso (26 Me 2022) | Potu Fono (Komisi o le Toefuataiga o Tulafono a Samoa) – Aoaoga e faaoga ai fesootaiga faatekenolosi | Leaumoana Salima Lasalo Salima & Fugalaau Siaki |
| Toe faamanatu o le Faagasologa o Galuega ma Ta'iala a le Kapeneta | Matagaluega a le Palemia & Kapeneta | ½ aso (10 Iuni 2022) | Potu Fono (Komisi o le Toefuataiga o Tulafono a Samoa) – Aoaoga e faaoga ai fesootaiga faatekenolosi | Florita Tupai |
| Polokalame Faaleaoaoga o | Komisi o Galuega a le | 4 aso (27-30 Iuni 2022) | Potu Fono – Komisi o | Fugalaau Siaki |

| le Pulega o Tupe | Malo | | Galuega a le Malo | |
|--|---|-------------------------|--|---|
| Aoaoga Faatekenolosi | Matagaluega o Fesootaiga ma Faamatalaga Faatekenolosi | 1 aso (15 Iuni 2022) | Potu Fono - Matagaluega o Fesootaiga ma Faamatalaga Faatekenolosi | Ernest Amosa |
| O le tōfia ma le faafaigaluegaina o tagata & iloiloina o le faatinoga o galuega | Komisi o Galuega a le Malo | 4 aso (27-30 Iuni 2022) | Potu Fono – Komisi o Galuega a le Malo | Fugalaau Siaki |
| Fonotaga Faapitoa a Taitai o loo vaaia Tagata Faigaluega i luga o upegatafa'ilagi | Komisi o Galuega a le Malo | ½ aso (29 Iuni 2022) | Potu Fono (Komisi o le Toefuataiga o Tulafono a Samoa) – Aoaoga e faaoga ai fesootaiga faatekenolosi | Leaumoana Salima Lasalo Salima & Fugalaau Siaki |

Siata 6: Aoaoga ma Fonotaga na auai le Vaega o Auaunaga Lautele

9. TALA FAATATAU O TUPE

O le Tala Faatatau o Tupe na pasiaina mo le Komisi i le Tausaga Faaletupe 21/22 e \$1,491,927, na faatatauina mo totogi o le aufaigaluega, Tupe Faaalu mo le faatinoina o galuega faatasi ai ma tupe totogi e avea ai ma sui o le malo.

O le aotelega o Tupe Faaogaina sa Faatatauina mo le Tausaga Faaletupe 21/22, na ō gatasi lava ma le aofa'iga sa faamaonia e le Palemene. Ae peita'i, e le'i mafai ona faaōgāina uma lea tupe faatatauina ona o Ploa'iga o le Vavao mai Tulaga o Faalavelave Faafuase'i, na tolopōina ai le faatinoga o faatalatalanoaga o Polōketi a le Komisi.

MALO O SAMOA

KOMISI O LE TOEFUATAIGA O TULAFONO A SAMOA

LIPOTI O TUPE FA'AAOGA MO LE PIRIOTA E MAE'A I LE ASO 30 IUNI 2022

(E le'i iloiloina le lipoti e le Ofisa o Su'etusi)

| OUTPUTS PROVIDED BY MINISTRY | ACTUALS | COMMITMENTS | YTD + COM | UTL % | BUDGET | FUNDS REMAINING |
|---|---------|-------------|-----------|-------|---------|-----------------|
| 4610 - Legal Research Analysis and Recommendations | | | | | | |
| Personnel | | | | | | |
| 703100 - Salaries | - | - | - | 0% | 527,637 | 527,637 |
| 703101 - Public Servants Salaries | 407,343 | - | 407,343 | 0% | - | 407,343 |
| 703300 - Employer Contribution | - | - | - | 0% | 68,081 | 68,081 |
| 703301 - NPF | 41,128 | - | 41,128 | 0% | - | 41,128 |
| 703302 - ACC | 4,113 | - | 4,113 | 0% | - | 4,113 |
| 703401 - Telephone Allowance | 1,800 | - | 1,800 | 50% | 3,600 | 1,800 |
| 705200 - End of Term Contracts | - | - | - | 0% | 9,200 | 9,200 |
| 705204 - Severance PAYment | 8,314 | - | 8,314 | 0% | - | 8,314 |
| 707103 - Local Travelling Allowance | 2,730 | - | 2,730 | 95% | 2,880 | 150 |

| | | | | | | |
|--|----------------|----------|----------------|------------|----------------|----------------|
| 707109 - Higher Duty Allowance | 8,699 | - | 8,699 | 100% | 8,700 | 1 |
| TOTAL | 474,127 | - | 474,127 | 76% | 620,099 | 145,972 |
| Operating | | | | | | |
| 722601 - Repairs & Maintenance | - | - | - | 0% | 2,500 | 2,500 |
| 722701 - Repairs & Maintenance- Office Equipments | - | - | - | 0% | 2,500 | 2,500 |
| 722702 - Consumables/Peripherals | 30 | - | 30 | 0% | - | 30 |
| 723103 - Other | 338 | - | 338 | 87% | 389 | 51 |
| 725401 - Financing Lease | - | - | - | 0% | 26,729 | 26,729 |
| 725501 - Facility Hire | - | - | - | 0% | 6,600 | 6,600 |
| 728101 - Subscriptions to Publications | 177 | - | 177 | 20% | 900 | 723 |
| 728201 - Personnel Membership Fees & Subs. | 3,000 | - | 3,000 | 30% | 10,000 | 7,000 |
| 734202 - Licences | 306 | - | 306 | 0% | - | 306 |
| 734302 - Legal | - | - | - | 0% | 20,000 | 20,000 |
| 734307 - Technician | - | - | - | 0% | 20,000 | 20,000 |
| 740101 - DSA/Transit Allowances | - | - | - | 0% | 1,800 | 1,800 |
| 740102 - Incidental Allowances | - | - | - | 0% | 1,800 | 1,800 |
| 740104 - Clothing Allowances | - | - | - | 0% | 1,800 | 1,800 |
| 740201 - Accommodation | 2,739 | - | 2,739 | 39% | 7,000 | 4,261 |
| 740202 - Meals | 704 | - | 704 | 20% | 3,500 | 2,796 |
| 740301 - Passports | - | - | - | 0% | 340 | 340 |
| 740302 - Permits & Visas | - | - | - | 0% | 500 | 500 |
| 740401 - Air Fares | - | - | - | 0% | 4,500 | 4,500 |
| 740403 - Boat Fares | - | - | - | 0% | 1,550 | 1,550 |
| 746401 - Postage | 87 | - | 87 | 97% | 90 | 3 |
| 746402 - Courier | - | - | - | 0% | 180 | 180 |
| 750103 - Registration fees | - | - | - | 0% | 32,205 | 32,205 |
| 752101 - Medical Consumable Supplies | - | - | - | 0% | 450 | 450 |
| 758101 - Stationery | 1,254 | - | 1,254 | 46% | 2,700 | 1,446 |
| 758102 - Bulk Paper Supplies | 417 | - | 417 | 21% | 2,000 | 1,583 |
| 758201 - Advertisements(Media) | - | - | - | 0% | 13,460 | 13,460 |
| 758202 - Production & Design | 800 | - | 800 | 0% | - | 800 |
| 758300 - Printing & Publications | - | - | - | 0% | 10,000 | 10,000 |
| 758301 - Printing & Publications | 3,260 | - | 3,260 | 0% | - | 3,260 |
| 761101 - Catering & Refreshments | 283 | - | 283 | 5% | 6,000 | 5,717 |
| 761103 - Beverage & Water | 156 | - | 156 | 0% | - | 156 |
| 764101 - General Supplies | 1,674 | - | 1,674 | 124% | 1,350 | 324 |
| TOTAL | 15,225 | - | 15,225 | 8% | 180,843 | 165,617 |
| Capital | | | | | | |
| 787101 - Furniture & Fittings | 8,000 | - | 8,000 | 87% | 9,200 | 1,200 |
| 788108 - Other | 7,664 | - | 7,664 | 88% | 8,664 | 1,000 |
| 788203 - Laptops | 15,435 | - | 15,435 | 87% | 17,750 | 2,315 |
| 788204 - Tablets/lpads | 2,538 | - | 2,538 | 87% | 2,919 | 381 |
| 788303 - Stereos & Mics | 130 | - | 130 | 87% | 149 | 19 |
| TOTAL | 33,767 | - | 33,767 | 87% | 38,682 | 4,915 |
| Sub Total | 523,119 | - | 523,119 | 62% | 839,623 | 316,504 |
| 4691 - Central Service Unit | | | | | | |
| Personnel | | | | | | |
| 703100 - Salaries | - | - | - | 0% | 273,042 | 273,042 |
| 703101 - Public Servants Salaries | 251,607 | - | 251,607 | 0% | - | 251,607 |
| 703300 - Employer Contribution | - | - | - | 0% | 30,864 | 30,864 |
| 703301 - NPF | 27,645 | - | 27,645 | 0% | - | 27,645 |
| 703302 - ACC | 2,764 | - | 2,764 | 0% | - | 2,764 |
| 707103 - Local Travelling Allowance | 150 | - | 150 | 0% | - | 150 |
| 707109 - Higher Duty Allowance | 11,473 | - | 11,473 | 100% | 11,474 | 1 |
| TOTAL | 293,638 | - | 293,638 | 93% | 315,380 | 21,742 |
| Operating | | | | | | |
| 722501 - Repairs & Maintenance | 1,302 | - | 1,302 | 43% | 3,000 | 1,698 |
| 722502 - Spare Parts | 1,432 | - | 1,432 | 72% | 2,000 | 568 |
| 722503 - Fuel (Min to Min) | 5,063 | - | 5,063 | 51% | 10,000 | 4,937 |
| 722505 - Vehicle Fluids | 209 | - | 209 | 0% | - | 209 |
| 722602 - Consumables- Fittings | 20 | - | 20 | 0% | - | 20 |
| 722701 - Repairs & Maintenance- Office Equipments | 243 | - | 243 | 14% | 1,800 | 1,557 |
| 722702 - Consumables/Peripherals | 7 | - | 7 | 0% | 5,000 | 4,993 |

| | | | | | | |
|---|------------------|----------|------------------|------------|------------------|----------------|
| 723103 - Other | 26 | - | 26 | 0% | - | 26 |
| 725902 - Water Coolers - Rents & Leases | 1,943 | - | 1,943 | 97% | 2,000 | 57 |
| 734102 - Vehicle Insurance | 5,719 | - | 5,719 | 77% | 7,390 | 1,671 |
| 734201 - Fees & Registrations | 730 | - | 730 | 49% | 1,500 | 770 |
| 734202 - Licences | 4,154 | - | 4,154 | 87% | 4,790 | 636 |
| 740402 - Taxi/Bus Fares | 43 | - | 43 | 0% | - | 43 |
| 746101 - Telephone | 3,485 | - | 3,485 | 65% | 5,400 | 1,915 |
| 746103 - Cellphones | 20 | - | 20 | 0% | - | 20 |
| 746201 - Internet, Broadband & Email | 14,822 | - | 14,822 | 76% | 19,400 | 4,578 |
| 752101 - Medical Consumable Supplies | - | - | - | 0% | 150 | 150 |
| 758101 - Stationery | 1,300 | - | 1,300 | 48% | 2,700 | 1,400 |
| 758102 - Bulk Paper Supplies | - | - | - | 0% | 1,000 | 1,000 |
| 758103 - Printers/Photocopiers Supplies | 2,824 | - | 2,824 | 40% | 7,000 | 4,176 |
| 758201 - Advertisements(Media) | - | - | - | 0% | 2,023 | 2,023 |
| 758300 - Printing & Publications | - | - | - | 0% | 5,000 | 5,000 |
| 758301 - Printing & Publications | 5,000 | - | 5,000 | 0% | - | 5,000 |
| 761102 - Tea Supplies | 2,264 | - | 2,264 | 113% | 2,000 | 264 |
| 761103 - Beverage & Water | 96 | - | 96 | 0% | - | 96 |
| 764101 - General Supplies | 4,021 | - | 4,021 | 298% | 1,350 | 2,671 |
| 764102 - General Services | 415 | - | 415 | 0% | - | 415 |
| 773100 - Petty Cash | - | - | - | 0% | 1,000 | 1,000 |
| | | | | | | |
| TOTAL | 55,137 | - | 55,137 | 65% | 84,503 | 29,366 |
| Capital | | | | | | |
| | | | | | | |
| TOTAL | - | - | - | 0% | - | - |
| Sub Total | 348,775 | - | 348,775 | 87% | 399,883 | 51,108 |
| | | | | | | |
| TRANSACTION ON BEHALF OF THE STATE | | | | | | |
| G01 - Government Building | 167,900 | - | 167,900 | 100% | 167,900 | 0 |
| Q01 - VAGST Output Tax | 42,734 | - | 42,734 | 142% | 30,000 | - |
| | | | | | | 12,734 |
| U19 - Community Consultations | 44,936 | - | 44,936 | 72% | 62,068 | 17,132 |
| | | | | | | |
| TOTAL | 255,570 | - | 255,570 | 98% | 259,968 | 4,398 |
| GENERAL LEDGER SUMMARY | | | | | | |
| Output Provided by Ministry | 871,894 | - | 871,894 | 70% | 1,239,507 | 367,613 |
| Transaction on Behalf of the State | 255,570 | - | 255,570 | 98% | 259,968 | 4,398 |
| | | | | | | |
| TOTAL | 1,127,464 | - | 1,127,464 | 75% | 1,499,475 | 372,010 |
| | | | | | | |
| SUMMARY BY BUDGET CATEGORY | | | | | | |
| CAPITAL - Capital | 33,767 | - | 33,767 | 87% | 38,682 | 4,915 |
| OPERATNG - Operating | 70,362 | - | 70,362 | 27% | 265,346 | 194,983 |
| PRSONNEL - Personnel | 767,765 | - | 767,765 | 82% | 935,479 | 167,714 |
| | | | | | | |
| TOTAL | 871,894 | - | 871,894 | 70% | 1,239,507 | 367,613 |

Siata 7: Lipoti o Tupe Faaoga a le SLRC mo le piriota e mae'a i le 30 Iuni 2022

| STATEMENT OF MINISTRY RECEIPTS BY REPORTING CATEGORY AND EXPENDITURE BY OUTPUT APPROPRIATION ACCOUNT for the financial year ended 30 June 2022 | | | | | | |
|---|---|------------------|-------------------|------------------|----------------|------------------|
| | Notes | 2022 | Original Estimate | Final Estimate | (Over)/Under | 2021 |
| LAW REFORM COMMISSION | | | | | | |
| PAYMENTS | | | | | | |
| Outputs | | | | | | |
| 1.0 | Policy Advice to the Responsible Minister and the Board | 860,781 | 1,239,506 | 1,239,506 | 378,725 | 984,524 |
| Total Outputs | | 860,781 | 1,239,506 | 1,239,506 | 378,725 | 984,524 |
| Transactions on Behalf of State | | | | | | |
| | Community Consultations | 44,936 | 30,000 | 62,068 | 17,132 | 0 |
| | Rent and Lease (Government Building) | 167,900 | 167,900 | 167,900 | 0 | 167,900 |
| | VAGST Output Tax | 42,734 | 62,068 | 30,000 | (12,734) | 43,004 |
| Total Transactions on Behalf of State | | 255,570 | 259,968 | 259,968 | 4,398 | 210,904 |
| TOTAL PAYMENTS -LAW REFORM | | 1,116,351 | 1,499,474 | 1,499,474 | 383,123 | 1,195,428 |
| GOVERNMENT DEVELOPMENT PROJECTS | | | | | | |
| | | 2022 | Original Estimate | Receipts | Payments | Opening Balance |
| | | \$ | \$ | \$ | \$ | \$ |
| Grants - GDP | | | | | | |
| | Technical Assistance From Sisters for Change to SLRC (Other) | 35,212 | 0 | 433 | 700 | 35,479 |
| | SLRC- Spotlight Initiative Project (UNDP) | 67,099 | 0 | 262,023 | 194,924 | 0 |
| TOTAL GOVERNMENT DEVELOPMENT PROJECTS | | 102,311 | 0 | 262,456 | 195,624 | 35,479 |
| Additional Information to Accounts: | | | | | | |
| Schedule 9 - Fixed Assets | | | | | | |
| | Opening Balance as at 1st July 2021 | 697,980.00 | | | | |
| | Additional Assets purchased during the financial year | 38,533.00 | | | | |
| | Assets Disposed/Written-Off during the financial year | 13,178.00 | | | | |
| | Closing Balance of Ministry's Fixed Assets as at 30th June 2022 | 723,335.00 | | | | |

9.1 FESOASOANI TAU TUPE (FAAMEAALOFI)

9.1.1 UNDP SPOTLIGHT INITIATIVE

O le Spotlight Initiative i Samoa na fausia mai i anavatau o loo iai nei a le Mālō, o le faamutaina lea o sauaga faalotoifale ma le sauāina o pā'aga, ma pulega i nuu ma afio'aga e uunaia le taofi o le sauāina o tinā ma tama'ita'i. O lenei polokalame o le a fa'aaogāina ai Ta'iala Faavaomālō e puipuia ma tali atu ai i sauāga ma a'oa'oina mai i matāupu e alia'e mai, e iloa ai Ta'iala e talafeagai ma Samoa.

O le Komisi o le Toefuata'iga o Tulafono a Samoa e patino i le Vaega Muamua (Tulafono & Faiga Faavae) o le polokalame, ma le vaaiga taula'i i le iloiloina ma toefuata'iga o Tulafono Tau Aiga e ono (6) i Samoa, ina ia mautinoa le lelei ma ia fō'ia ni lape o Tulafono e ono alia'e mai ai sauaga faalotoifale & le sauāina o pā'aga vāvālalata.

O le aso 14 Aperila 2020, na sainia ai le maliega i le va o le Komisi ma le Matagaluega o Tupe ina ia faatinoina galuega e lua (2) o loo tā'ua atu i lalo:

1. 'Auai i le toe iloiloina lea o lape o Tulafono ma Faiga Faavae o loo ave i ai le faamamafa o le Maliega Faa-pā'aga e talafeagai ma sauaga faalotoifale & le sauāina o pā'aga vāvālalata;
2. Fausia se fautuaga mo le atunuu atoa, auala o fesootaiga, ma fuafuaga e faalauiloa ai talosaga o le toefuata'iga ma fautua i pulega a nuu ma afio'aga ina ia āmana'ia Tulafono o sauaga faalotoifale & le sauāina o pā'aga vāvālalata, ma ia ō gatasi ma pulega a Alii ma Faipule.

O le faitau aofa'i o le tupe ua faaāgaga mo le Komisi i lalo o le Polokalame o le Spotlight Initiative, e faatino ai galuega e pei ona tā'ua i luga, e \$76,350 talā Amerika. Na mafai ona faaāogāina le tele o lenei tupe e faatino ai Faatalatalanoaga o Tulafono ma le Atunuu Lautele i le kuata lona lua o le Tausaga Faaletupe 2021/2022, Oketopa – Novema 2021.

O le faataatiaga ma aiaiga o le polokalame, na tuuina mai ai i le Komisi le faatagaga, e faaāogāina ai le isi vaegā tupe o totoe, i le iloiloina o Tulafono Tau Aiga i le Tausaga Faaletupe 2022/2023.

10. FAATULAGAGA O LE AUFALGALUEGA A LE KOMISI

